



秦州鄧孝威選定  
如臯仲蒼壁重輯

# 詩觀初集

溪柳讀書堂藏板

重輯詩觀序



詩發源於三百篇其後遞

為升降以迄於今漢魏

升六朝一降唐又一升宋

元明又一降

國

朝之詩格高而韻遠體大而味深軼宋元明而接唐人至是又一升矣

國

朝揀選政者不下數十家然佳者未嘗數之觀如

詩存詩水詩最之類妍媸並登多繁蕪未經精擇正如西子無鹽同貯金屋並葭玉樹並植雕欄令閱者排沙簡金見寶無

多篋衍一選最為矜貴  
所拘於一偏所收過少不  
免論甘忌辛好丹非素  
之謂惟鄧孝威先生詩  
觀初集二集三集廣搜博

采去取允當諸選無出其  
右者曩得其書讀之或  
清而腴或淡以遠或樸茂  
溫厚或瑰奇風藻或渾然  
天成或雕琢精工或氣韻

沈雄如幽燕老将或風流  
自賞如三河少年玄圃積  
玉無昨夜光誠大觀也哉  
雖起唐人於今日摩澁涿  
墨於詞場騷壇間其格

力風調亦必無以相遇皆  
先生精擇之力也先生既  
沒其書久不行世論者皆  
以為憾予於戊辰春過  
吳陵購求得之其中多殘

月四  
缺不全且未有腐朽者字  
畫亦或模糊不辨魚魯不  
本數年來編為蒐求召  
剗剗氏於家殘缺者補  
之腐朽者易之模糊者

脩之乃如珠之還劍之合  
復得完善如初雖後來數  
十年之詩未得盡入集中  
然哀集當代才子鉅公  
佳制以鳴一時之盛亦未

序五  
嘗不可與唐人並其靈間  
氣諸選並垂不朽以於是  
不敢藏弄篋中者之弁  
數言於簡端而以公諸世  
者

乾隆十有五年春正月  
如皋後學仲之琮蒼巖  
題於深柳讀書堂

詩觀序



十五國名家詩觀之選成予  
反覆讀之作而歎曰嗟乎此  
真一代之書也已當夫前朝  
未葉銅馬縱橫中原盡爲荆



言  
卷  
第  
一  
月  
一  
榛黎庶悉遭虔戮於是乎神  
京不守而廟社遂移有志之  
士爲之哀板蕩痛化離焉此  
其時之一變繼而在寇鼠竄  
于秦中列鎮鴟張於淮甸馴

至甌閩黔蜀之間兵戈罔靖  
而烽燧時聞此其時爲再變  
若乃乾坤肇造版宇咸歸使  
仕者得委蛇結綬於清時而  
農人亦秉耒耕田相與歌太

言聲初集 自序 二  
平而詠勤苦此其時又爲一  
變夫惟變之之極故其人之  
心力才智亦百出而未有窮  
其歷乎興革理亂安危順逆  
之交中有所藏類不能默然

而已以故憂生憫俗感遇頌  
德之篇雜然而作一時公卿  
以迄韋布其號爲能詩沈雄  
古麗安雅柔澹以幾於漢魏  
四唐之盛者蓋指不勝屈而

詩韻初集 自序 三  
世之選者顧乃遺大取小專  
採夫一二花草風雲釐祝飲  
讌閨幃臺閣之辭以是諛說  
時人之耳目而于舖陳家國  
流連君父之指蓋或闕焉烏

在追國雅而紹詩史也予生  
也晚然適當極亂極治之會  
目擊夫時之屢變而又舟車  
萬里北抵燕弁南遊楚粵中  
客齊魯宋趙宛雒之墟其與

詩經初集 自序 四  
時之賢人君子論說詩學最  
詳而猥蒙不棄其以專稿賜  
教者日盈箱笥爰因家居寡  
營乃發舊篋取諸名家之詩  
芟繁就簡彙次成書不意此

選之遂足紀時變之極而臻  
一代之偉觀也昔吳公子札  
來聘宗邦請觀周樂其論斷  
古帝王以及列國之聲詩得  
失升降鎔黍弗爽故龍門氏

言觀初集 自序  
稱其閱覽博物焉予才萬不  
逮吳公子而幸值鼎新之運  
俾草茅跼伏之士優游鉛槧  
以勿負歲時亦一樂也而

今天子且博學好古進諸文

學侍從之臣臨軒賦詩以繼  
夫栢梁昆明之盛事然則太  
師陳詩以觀民風是編也其  
亦可以備咨諏而佐紀載也  
矣南陽鄧漢儀序

詩觀初集  
時

康熙壬子季秋望日



詩觀初集凡例

十三則



詩道至今日亦極變矣首此竟陵矯七子之偏而流爲細弱華亭出而以壯麗矯之然近觀吳越之間作者林立不無衣冠盛而性情衰循覽盈尺之書畧無精警之句以是叶應宮商導揚休美可乎或又矯之以長慶以劍南以眉山甚者起而噓竟陵已燔之焰矯枉失正無乃偏乎夫三百爲詩之祖而漢魏四唐人之詩昭昭具在取裁於古而締以已之性情何患其不卓越

而沾沾是趨逐爲故僕於是選首戒幽細而企  
斥浮濫之習所以云救

僕歷年來浪遊四方同人以詩惠教者甚衆藏  
之笥篋不敢有遺庚戌家居寡營乃發舊篋取  
諸同人之詩畧爲評次蓋閱兩寒暑而始竣厥  
事

是選祇就篋中所存論次行世未敢廣布徵檄  
迺同里諸子惠而好我傾囊見賜辛亥久駐維  
揚諸公過存辱以專稿見餉兼以南北郵筒繹

絡相望遂成鉅觀

同人不分仕隱詩到者卽爲登選乃有交誼夙  
敦而篇章難覓者僕亦聽之至郵筒遠寄或致  
浮沉實非僕咎

選數多寡實非有意皆因其卷之繁簡地之遠  
近然楓落吳江一語足傳何必連篇累牘乃足  
垂世

照國雅例槩不稱先生夫子照詩志例不書官  
爵詩隨到隨梓不序前後

釋子詩雜同人之中閨秀詩另為一帙尤嚴厲  
本已登翠樓諸集者不載

圈點畧標眉目評語俱極短簡不敢濃圈密贊  
亦不敢引經据史

僕至邗同人即貽以公書戒以寧嚴毋濫僕始  
終守此盟一人不敢妄入

溫柔敦厚詩教也罵坐非傷時尤非故僕以慎  
墨名其堂芟除不遺餘力

淮揚當事主持斯事者則轉運何公雲壑 林李

公星河 景麟 明府孫公樹百 蕙 功為甚鉅

是編謀始則宮子紫陽 偉 丁子謙龍 日 陳子念

共 忠 宗子梅岑 元 張子桐仙 琴 贊襄者則黃子

仙裳 雲 宗子鶴問 觀 桑子楚執 牙 許子師六 承

江子辰六 闔 季子希韓 公 范子汝受 國 華子龍

眉 袞 許子元錫 納 其客邗面訂是選者則杜子

于皇 濬 張子穉恭 恂 孫子豹人 枝 計子甫草 東

趙子山子 澧 宋子旣庭 實 彭子中郎 始 魏子冰

叔 肅 朱子錫鬯 彛 諸子駿男 九 而捐貲最多者



則黃子天濤九顧子臨邛九范子獻重廷功不

可泯

是編行後卽謀二集鴻章賜教祈寄至泰州寒  
舍或寄至揚州新城夾剪橋程子穆倩大東門  
外彌陀寺巷華子龍眉宅上其京師則付汪子  
蛟門白門則付周子雪客郵寄最便

壬子仲冬鄧漢儀書於慎墨堂



天下名家詩觀選目

卷之一

江南

王鐸 河南

高珩 山東

吳偉業 江南

孫廷銓 山東

周亮工 河南

杜濬 湖廣

孫枝蔚 陝西

范鳳翼 江南

季振宜 江南

季公琦 江南

陳台孫 江南

李天養 江南

黃九河 江南

釋大健 江南

共拾伍人總計詩

詩觀一卷目錄終

詩觀初集

東吳鄧漢儀孝威評選

司學李文胤鄴嗣恭閱



南滁望滁陽王廟遂趨臨濠道中感而有述

我車出南滁遂走臨濠道帝鄉多白雲王侯盡宿草緬懷滁

陽王。一。旅。起。傭。保。真。龍。潛。魚。服。椒。塗。附。蘿。蕩。家。人。畜。帝。后。天

子呼翁媪遺業資龍興殘軀沒雲擾廟貌良已隆血胤終莫

考麗牲碑版傳立馬墓田杳嘯歌感牧豎惆悵詢父老我觀

草昧初羣雄覲大寶逐鹿分犄角探龍競鱗瓜○上○下○十○右○真人信天授

詎能一劔掃牧羊蕩秦灰銅馬啓漢造赫赫高光業驅除豈

云小滁陽追王陳毫都紀季渺史存有諱忌國往無繼紹故  
 事亥豕譌殘書蠹魚飽善哉秦楚際遷史著月表寄語石室  
 人放失事搜討虞山具一代史才合肥每  
 每言之此詩畧見大意

飲酒

世多愛官者不復知酒旨亦有愛酒者不服計官美愛酒令  
○狂○毋○鄙○人狂愛官令人鄙腸爛飲不休漏盡宦不止者酒與貪官皆  
 可令人死我本愛官人侍郎不為庠我亦愛酒人致酒每盈  
 几今年命大繆官罷酒亦恥長嘯謝都門斯可以去矣人世

只愛官不愛酒耳虞山兩  
 兩比併恐難為不知者道

後飲酒

停橈買滄酒但說孫家好酒媪為我言君來苦不早今年酒

倍售酒庫已如掃但餘六長餅味甘色復縹儲以嫁嬌女買

羊會鄰保不惜持贈君君無苦相勸塗潦泥活活僮僕互持

抱鄭重貯船艙暴富似得寶明燈吐新花夜雨響秋草君如

不快飲負此酒家媪歸興如此又何戀  
 長安軟塵十丈即

我飲非大戶頗自嫌甜酒雖無滿座客亦能致好友不招惡

客來一任窮賔走當歌每分夜醉花自宜晝厭厭復陶陶意

不在五斗渴飲劇卷波叫喚沸招手醉在木杪坐吐向車茵

嘔譬如徒登子可謂好色不我欲定酒律訊彼醉鄉叟此叟

方茗芋頽然指吾口此口但  
 宜飲酒

大觀太清樓二王法帖歌為山陰張爾唯作

神霄天子恢皇綱重鐫閣帖煥寶章干戈久忘熙陵勸圖書

欲壓淳化藏侍書著摹換鈎榻太師京識新褫裝太清危樓  
 切霄漢乙夜御覽迴虹光大觀承平過星紀宣和板蕩垂靖  
 康聲明文物掃松漠翰林子墨炎崑岡駝載唐碑失定武瓊  
 筆改東庫亮字損本來榷場二府拜賜傳掌故三館審定看  
 堵牆良常新銘不在世羽陵舊蠹餘幾行君從何處購此本  
 右軍墨蹟兼小王續帖真成廿卷羨萬籤何似二本良墨華  
 晶光出匱紙筆陣折抹生鋒芒晴窗臨摹挾飛動斐几展翫  
 鋪雲肪裂紋木直非剥損懷痕銀錠誰低昂從今鑒定歸米  
 薛不收慰問啜梁唐但看鸞翽與鳳翥焉用冷金并硬黃鳴  
 呼此卷不易得摩娑使我神慘傷自從京闕暗戎馬又使館

此是少陵得意處

閣淪滄桑人間西清燭禁苑天上東壁埋文昌橐駝交跡踐

可謂盡致

竹素牛馬漬汗污縹緗甲衣狼籍剔鈿錦礮車迸裂窮琳琅

游家蘭亭填爨下褚摹稊帖擲道旁魯公孝經麻姑字兒童

插標叫市坊卷軸遑惜三千富款書寧數丈二長白麻何處

博青縹碧牋翻喜歸黃腸奇哉一本獨完好豈無六丁下取

將展卷俄驚標識改開奩先嗅古墨香印縫無煩辨分剪破

體仍與論偏傍何季瓦官閣鴟吻有客山陰搜屋梁玉躐金

題重悶惜褚妍歐怪空輝煌已堪唐陵比玉匣重許漢室開

珠囊傷心西典失至寶褚河南西典經余購得之新安乙酉失去漫眼東觀欲發

狂吾家圓印銘忠孝長依書史緘篋箱米元章書史云錢氏所收浩博帖上有希

聖字印忠孝之家圓作歌無才繼石鼓閣筆再拜朝墨皇

錢印并錢氏書堂印

但題法帖便無意味中間寫出喪亂時翰墨遭劫一段情事便使人撫卷三嘆

楊龍友画册歌為友沂作

楊生倘儻權奇者萬里驍騰渥洼馬雙耳朝披貴竹雲四蹄  
夕刷令支野空坑師潰縉雲山流星玉兔不可還即看汗血  
歸天上尚餘翰墨汗人間人間翰墨已星散十幅流傳亦可  
歎披圖礪岫幾重掩過眼烟雲尚凌亂楊生作画師巨然隱  
囊紗帽如列仙大兒聰明添樹石侍女窈窕被雲煙一昔龍  
蛇走平陸奮身拌施烏鳶肉已無升爍並黃土况乃牙籤與  
玉軸趙郎藏弄湘帙新摩娑看画如寫真每于剩粉殘縑裏  
想見擎拳透瓜人趙郎趙郎慎收取長將石壓並手撫莫令  
親近匣中劍夜半相將作風雨

借馬上生論却說出許大關係想一代興亡事跡盤

精胸中固遇  
題輒發耶

王師

捷書嘗若此振旅竟如何盜賊能逃死王師欲止戈彎弓蒲  
矢在棄甲兕皮多信宿休皇處吾君候凱歌  
老弱猶驚陳瘡痍自蝨行却看沙草色疑是戰塵生雇募朝  
充伍扶携夜扎營歸來見天子身是內家兵

漢刺當時之事可為炯鑒

讀梅邨宮詹艷詩有感書後

搗鼓吹簫罷後庭書帷別殿冷流螢宮衣蛺蝶晨風舉画帳  
梅花夜月停銜壁金釭憐旖旎翻階紅藥笑娉婷水天閒話  
天家事傳與人間總淚零  
如此跋艷詩便有絕大關係不得輕議温李一輩  
銀漢依然戒玉清竹宮香燼露盤傾石碑街口誰能語棋局

慎墨堂篋

中藏稿

中心自不平。禊日更衣成。故事秋風繞。扇又前生寒。臆擁髻  
悲啼夜。暮雨殘燈識。此情言情都在筆墨之外

送吳興公游下邳兼簡李條侯

落花飛雨攪。邗溝襍被奚。囊感薄游寶。劍千金吳季子。長城  
半壁漢條侯。高榆耕壘連滄海。淡柳書堂枕碧流。共話老夫  
應失笑。春淡冒絮尚蒙頭。典公條侯僕眼中二奇士也詩能傳其氣槩

贈侯月鷺

殘燈顧影見蹉跎。十五年來小劫過。曾捧赤符開瘴癘。卽看  
白馬誓山河。閒門菜圃英雄少。朝日瓜疇賓客多。自歎老懷  
如古井。爲君斫地一悲歌。

三十登壇鼓角喧。短衣結束署監門。吹簫伍員求新侶。對酒

曹公念舊恩。五嶺蒙茸餘剩髮。九疑縣亘誤招魂。與君贏得

頭顱在。話到驚心手共捫。

蒼梧雲氣尚蕭森。八桂風霜散羽林。射石草中猶虎伏。憂金

壁外有龍吟。夢回苾角生河鼓。醉後旌旗拂井參。莫向夷門

尋舊隱。要離千載亦同心。胸懷激楚故能透發情事

丙申雲間九日作

秋聲解氣互喧。逐倦曉濛濛。冥漲開乍見。天吳離浪立。却看

地軸拔潮迴。蹄涔笑兀驅狼石。蟻垤盤空戲馬臺。騰欲登臨

更無那天高陵谷。易悲哀。

黃浦橫流絕大荒。迎簷依約指扶桑。銷沈鮫室餘窮髮。磨滅

龍宮向夕陽。故國屢經滄海變。吾家猶說射潮強。登臨莫漫

誇能賦四海空知兩鬢霜

虞山詩晚年每登雄鍊

霞城丈置酒同魯山彩生夜集醉後作

滄江秋老夜何其促席行杯但想遲喪亂天涯紅粉在友朋

心事白頭知朔風悽緊吹歌扇參井微茫拂酒旗今夕且謀

十日醉西園明月與君期

豪快却自婁激

贈雲間顧觀生秀才

東南建置畫封疆幕府推君借箸長鈴索空教沈鐵璫泥丸

誰與奠金湯旌麾寂寞盈頭雪書記蕭閒寸管霜此夕明燈

撫空局朔風吹雨漏茫茫

撫今追昔不禁塊壘填胸能無血淚滿楮

寒食後一日作

寒食淒涼作不成春光取次又清明孤臣氣味愁鑽火故

國心情記賣餒若恨落花隨柳絮謾勞啼鴉替鶯聲東風誰

唱吳娘曲暮雨蕭蕭關禁城

情致動人不減繞梁之奏

雲間諸君子再饗余於子玄之平原北臯子建斐然有

作次答

松江蟹舍接魚灣箬笠拏舟信宿還愛客共尋張翰酒開筵

先酌陸機山吹簫聲斷更籌急舞袖風迴么鼓閒沉醉尚餘

心欲擣江城悲角殷嚴關

如此警鍊之作最不易得

秋漏沉沉夜壑移餘杭新酒熟多時笙歌氣暖燈花早宴語

風和燭淚遲上客紫髯依白髮佳人翠袖倚朱絲

昔魯山次余坐彩生

接頻季笑口真難得黃色朝來定上眉

十月朔日抵廣陵

隋苑荒臺葉不飛竹西歌吹正依稀流螢尚作蕪城夢跨鶴  
真同華表歸舊事月明空在眼新愁水調欲沾衣  
孤墳在萬點寒鴉送落暉故人顧所建墓在笮籬灣不勝滄桑之感

留題秦淮丁家水閣

舞榭歌臺羅綺叢都無人跡有春風踏青無限傷心事併入  
南朝落照中

苑外楊花待暮潮隔溪桃葉限紅橋夕陽凝望春如水丁字  
簾前是六朝如此懷抱自佳

秦淮水亭逢舊較書

碧罷歌闌抱影眠水牀雪被舊因緣如今老大翻惆悵重對  
殘燈說往事已往情事總思量不得門外人那知

金陵雜題絕句

一夜紅牋許定情十季南部早知名舊時小院湘簾下猶記  
鸚哥喚客聲舊院馬二字龍采

金陵惜別感秋螢執手前期鬢易星君去我歸分贈處勞勞  
亭是短長亭丁酉秋與龔孝升言別金陵每定山南歸牧翁必扁舟往晤備極綢繆此絕殆其實語

舊曲新詩壓教坊縷衣垂白感湖湘閒開閩集教孫女身是  
前朝鄭妥娘鄭如英小名妥詩載列朝詩選閩集中今季七十二矣

金陵觀棋

飛角侵邊劫正闌當場黑白尚漫漫老夫袖手支頤看殘局  
分明一著難寓意甚深

丙戌南還留別武安故侯妓人冬哥



虹氣橫天易水波。卷衣宮女淚痕多。吹篴賸有侯家妓。記得邯鄲一曲歌。便不是尋常情語

師師垂老杜秋哀。暫別長離盡此盃。惆悵落花皆候去。江南花發遲君來。冬哥女俠故虞山每每形之唱歎

金壇客座逢水榭。故姬感嘆而作。

黃閣青樓盡可哀。啼粧墮髻尚低徊。莫欺烏瓜麻姑少。曾見滄桑前度來。見歌場舊人便形感歎此是唐人遺意

霞城累夕置酒彩生先別口占記事

酒暖杯香笑語頻。軍城笳鼓促霜晨。紅顏白髮偏相殫。都是昆明劫後人。其聲激宕

兵前吳女解傷悲。霜咽琵琶戍鼓催。促坐不須歌出塞。白龍潭是拂雲堆。

潭是拂雲堆。

促別蕭蕭班馬聲。酒波猶溢燭花生。當筵大有畱歡曲。何苦淒涼唱渭城。

會太匆匆別又新。相看無淚可霑巾。綠樽紅燭渾如昨。但覺燈前少一人。情語

漢宮遺事剪燈論。共指青衫認淚痕。今夕驚沙滿蓬鬢。方知永巷是君恩。更是深一層語無人道破

漁莊谷水兩垂竿。烽火頻年隔馬鞍。從此音書憑錦字。小箋雲母報平安。

緇衣居士白衣僧。世眼相看總不應。消受暮年無个事。半余暖玉一龕燈。得妙義此借彩生傳寫心事可愛可傳

村莊紅豆花詩

草木為兵記歲華。平泉花木盡泥沙。未應野老籬前樹湧出。金輪別種花。

寂歷香塵界。画簾小闌。綈几供香。屢笑他紅白。閒桃李。都與兒郎插帽簷。

金樽檀板落花天。樂府新翻紅豆篇。取次江南好風景。莫教腸斷李龜年。

絕妙詩題那得。不有此感。

憶丙申冬予宿半塘。舫軒虞山。則舟泊橋下。侵晚招予入舟。以手評拙稿。相示。因謂予曰。昨東游友人贈詩盈數尺。總無一字予問。故虞山曰。只是中間無一意。思爾固知近。日學大樽者均坐此病。因評虞山稿。故附及之。

虞山詩始而輕。嫩秀麗。晚年則進于典重深老。

五鐸。覺斯河南孟津人。孟津詩。

獨寐

春風惠然來。炤此素帷光。欲寐不成寐。如有深徬徨。虎豹雖

已遠。風波在故鄉。骨肉屢軼軻。生死能不傷。欲歸難為歸。欲

濟河無梁。紅顏誰可保。遭遇亦何嘗。江皋花漸開。靈鳥鳴西

墻。遠遊竟何事。祇以攪我腸。耿耿天為曙。緘淚擁衣裳。

道老正以顯。淺而臻古法。

寇急宵避潘家塘

夜走心悸十不堪。念劇塞野多白煙。蒼黃潛匿蒿中屋。草澤

溼。洳不敢哭。蛇矛撥殺無救師。火光照山聞馬嘶。石崩打破

南山。若洛陽路上人。屍礙腹。飢身邊枕佩刀。雪風吹河聲陰

颺。母仆女牽不暇顧。西村驅人入城去。

從長吉變。化得來。

送雪帆之秦

秦雲飛舊日。求定果如何。城郭新時少。豺狼亂後多。幽人隣絕塞。陶穴感黃河。諫草如無隱。臨流許放歌。  
○此○句○更○妙○  
至當而極精  
學孟津者宜

細心  
玩此

與少林僧問曇英

此時木石同。舊嶺阻花風。夢盡姑蘇水。心懸太室鐘。衲衣沉破寺。香雪閉前峰。憔悴今如是。躊躇見遠公。  
○此○句○更○妙○  
步驟極佳  
遂覺奇語皆臻

境妙

上堯芳門南山

突然開異象。躡處轉迢遙。日路存孤塔。楓根見六朝。繁華銷地脉。今古剩江橋。無盡談龍戰。山山落莫潮。  
○原○字○  
意調極警  
章法又安此為

玉帶  
極筆

賀九寺

樹合若無路。傍尋有寺通。遠鴉翻夕景。一鴈壓春風。石面雷批壑。松腰水製空。凭欄疑日月。不似楚吳中。  
○壓○字○警○

不是昔貌

不是昔年貌。白鬚難認吾。力衰甘息偃。心瘁強歡娛。習俗湖山賤。艱危鳥獸蘇。休官休未得。忸怩說仙都。  
○深○語○  
全得杜  
之神貌

聖壽寺觀梁陳石幢刻經聞警

溼際丹青顯。幢間路不斜。乾坤存綠字。歲序補黃沙。客杖驚山鳥。鐘聲走澗蛇。與深殊未已。何處又鳴笳。  
○喜○其○海○成○  
險不入  
惟鍊不入  
魔佳甚

歷巴蠻書蒼溪

攜得古藤杖。藥山入石根。隱名皆衲子。開鬱混黎園。劒閣陵○結○得○厚○

秦州

策馬秦州道。河沙晚日黃。一方餘土屋。幾處有農桑。秋鬼依○補○少○陵○秦○州○

三鄉過連昌宮址

白榆老葉乾。風起舊地離。宮感慨生。畫棟惟留山。勢在絳桃○諸○詠○所○未○及○

復見水光橫。美人歌舞思千載。寶輅笙簧奏九成。今日花飛○一○結○悽○惋○欲○絕○

遊西山感時

禪林舊是焚香處。無數紅樓繞梵宮。鷲嶺方增金刹麗。龍池○抵○元○微○之○長○篇○

又與玉泉通。幾家破屋荒村內。十里青山暮雨中。痛哭先朝○有○如○此○

功德寺年年石馬泣。西風○寄○興○方○許○作○詩○人○氣完力厚

安邑有懷

冷冷條山近。紫霄餘風空。自響刁調一川楊。柳春還在百戰○何○等○

壬申秋入維經邛山

初霽西風響石田。山山落木下秋煙。太行人老軍城戍。牧野○結○得○

河沉估客船。舊渚蝦蟆吞漢土。壤墳甌甌載秦年。誰知萬古○公○詩○氣○力○沉○雄○正○賞○其○

故園

銷沉後閒殺。浮雲夕照邊。○格○法○安○雅○韻○致○蕭○散○處○

轉眼天寒氣不齊歸心安敢說羈縻  
 故園墻北開梅藥幾日  
 河南罷鼓輦邙嶺撲天餘石馬  
 鞏雲裏雪暗龍谿新兵聞道  
 三秦勝次第興師埽蕞藜  
 公晚年頗有浮沉金馬意然讀  
 此等詩知公非無意當世者英

雄血淚銷之酒鑑  
歌板間可歎也

聞建惠破

歲歲流離天一涯經心豺虎竟離家  
 春秋有戰皆堪淚曹槍  
 無風亦可嗟野野丹帷藏狡兔  
 破城白骨噪神鴉煙塵滿地  
 居難定山裏重開梔子花

下太行頂歷佳泉風門至萬善驛

西晉征車天際轉東周大地眼中開  
 長洲草闊村俱沒故國  
 雲深鴈不來戍古猶聞拾斨片  
 月明空上望仙臺野王鄉社

喧神鼓禾黍風高兩鬢催

雄渾是孟  
津絕調

定陵夜祀

石路丹墻晚更幽黃昏謾謾響松楸  
 畫衣懸處燈搖樹險壑  
 飛來水上樓放馬歸牛多歲月  
 新墳舊草自春秋齋壇慟哭  
 靈何在腸斷龍池日夜流  
 公極嘆折空同  
 此詩可謂神似

近望牛頭寺

漢西郊野望牛頭滾滾寒雲萬頃流  
 鐘磬不關興敗事藤蘿  
 猶挂古今秋人從山氣低秦岫  
 水帶軍聲別閬州割據雄圖  
 憂後日夕陽無語下寒丘  
 如此登臨纔爲不負  
 山川只是眼明識老

祀昭陵醴泉北山

九嶷巖下閃旌旄一代雄圖見野蒿  
 我用椒漿陳俎豆誰從

史册識弓刀枯松狐穴人聲寂秋日鷗飛山勢高試望寰區  
今幾曆天風蓬鬢漫騷騷讀過如入空山古廟心神俱悄

坦公自里中至

別君君去春將老紅燭青鐫君又來衛地三遷山木燬燕京  
五度杏花開低頭強忍玄猿泪訪寺休登甘露臺蝴蝶飛飛  
千載夢秦宮漢時已成灰新鄉開門迎賊事人爭寃之而出處之際不無可議者讀此詩

輒如聞隴水鳴咽之聲也

與崑山三弟讎

河邊垂柳正依依念子婁江心欲飛年老弟兄難久別田間  
廬舍好同歸人隨蠻土鄉音變路過神堤鞏樹稀釀秫須謀  
日日醉乾坤何物換漁磯正以不用猛力險語見其神韻

恆山南道

道路駢駢已厭過兵荒不復問煙阿那知舊井新田少偏是  
黃沙白草多鞦韆子過濠悲鬢策飢鷹掠鳥下滹沱前邨定買  
葡萄酒醒眼將如風景何情緒

江中遊歷

水驛胡為至令人診旅魂悠悠辭粟里泛泛認星餐老木當  
孤枕虛篷過開門妻孥多疾厄寇盜更崩犇撚箭無安席操  
刀廢舉鐫霜增涼月白江截亂峰翻蘆鳥如曾識哀笳不忍  
論六千餘道口一百幾烟墩獨語奚為伴空林似是村招提  
看錫影石窟繫舟痕蠻唱風生籟沙洲竹拘根有時來釣叟  
何日離啼猿兄弟家書遠金鉦骨骸存人形紛點詐土色帶

煩○寬○老○泪○揮○花○木○窮○鄉○念○子○孫○乾○坤○愁○自○覺○鬢○髮○感○誰○恩○落  
葉○辭○龍○浦○歸○鴻○過○華○門○至○今○八○九○載○血○淚○夜○中○吞

此為匠  
心之製

送客入延綏

秦○山○東○接○太○行○山○山○外○黃○河○天○際○還○綠○樹○綠○雲○看○不○盡○鴈○聲  
飛○過○玉○門○關

在摩詰嘉  
州之間

席間聞破城逃出梨園歌

面○帶○刀○痕○一○病○夫○當○年○曾○是○霍○家○奴○筵○前○今○夕○重○相○見○淚○落  
春○風○唱○鷓○鴣

自然  
感懷

老兵

三○十○年○前○紫○塞○垣○眉○長○髯○短○眼○珠○昏○淚○垂○只○說○功○名○誤○怕○教

兒○孫○過○鴈○門

豈惟  
老兵

往會亭

籬○落○蕭○條○野○屋○貧○荒○涼○冷○日○起○風○塵○如○何○樹○樹○穠○花○發○三○月  
城○邊○不○見○春

不經北地不解  
此詩之有味

問孟惠舊址

滿○路○秋○蓮○發○野○香○深○紅○淺○綠○帶○秋○光○徑○行○閒○問○當○年○蹟○人○說  
蓮○花○是○戰○場

予近游維揚花村有舊是兵戈地層  
層布酒筵之句與孟津同一指也

白溝河

古○木○蕭○蕭○野○岸○空○多○年○血○戰○起○陰○風○公○然○一○派○西○山○水○流○到  
沙○場○使○不○同

惟深情  
人見得

孟津與戴滄洲論詩曰不奇不古不深不厚不創不難故  
曰勿驟學其易恐草率爛熟也勿驟冀其甘恐淺薄套襲

言舊不集 卷之一 中藏稿  
也此深于救今之論也而侯朝宗則曰孟津材極博厚氣  
極雄拔求之章法不能無間然此又深于視孟津者宮子  
宗袞從軍懷歸以大愚所刻孟津詩見示因為選較付梓  
皆奇創而又軌于法者請為世之學孟津者取則焉  
高 珩 思佩念東山東淄川人

七夕

閉門疎雨暗空牀坐久簾幃裊斷香蟋蟀西堂秋有夢芙蓉  
南浦夜初霜金微過鴈懷人遠銀甲調箏咽夜長白帝黃姑  
期有數也應天上怨清商 筆情秀令 似兼宮體

新秋

芭蕉酣綠雨初收剪剪風來小院幽山色乍迎新序爽砧聲  
全似故園秋關心錦字催鴻鴈欵枕天街待女牛今古年光  
原逝水陰蟲切切莫深愁 結語近聞 道之言

吳偉業

駿公梅村江南太倉人  
梅村詩集

下相懷古

驅車馬陵山落日見下相憶昔楚項王拔山氣何壯太息取  
祖龍大言竟非妄破釜救邯鄲功居入關上殺降復父讐不  
比諸侯將杯酒釋沛公殊有君人量胡為去咸陽遭人扼其  
吭亞父無諍言奇計非所望重瞳顧柔仁看破之隆準至暴抗脫之  
掌握中骨肉俱無恙所以哭魯兄仍具威儀塋古來名與色  
英雄不能忘力戰兼悲歌西風起酸愴廢廟枕荒岡虞兮侍  
唯帳烏騅伏坐傍蹄地哀鳴狀我來訪遺蹟登高見芒碭長  
陵竟坏土萬事同惆悵 大為重瞳生色然是正論非有意翻案也以此服梅村史識

避亂



驟得江頭信龍關已不守由來嗚早計此日盡狂走老穉爭  
 渡頭篙師露兩肘屢喚不肯開得錢且沽酒予也倉皇歸一  
 時攜百口兩漿速若飛扁舟戢來久路近忽又遲依稀認楊  
 柳居人望帆立入門但需帚依然具盤食相依賴親友却話  
 來途中所見俱八九失散追尋間啼呼挽兩手屢休又急步  
 獨行是衰朽村女亦何心插花尚盈首曲盡亂離情態  
 曉起譁兵至戈船泊市橋草草十數人登岸沽村醪結束雖  
 非常零落無弓刀使氣過市翁怒色殊無聊不知何將軍到  
 此貪逍遙官軍昔催租下令嚴秋毫盡道征夫苦不惜耕人  
 勞江東今喪敗千里空蕭條此地村人居不足容旌旄君見  
 大敵勇莫但驚吾曹

琵琶行

去梅村一里為王太常烟客南園今春梅花盛開予偶步  
 到此忽聞琵琶聲出于短垣叢竹間循牆側聽當其妙處  
 不覺拊掌主人開門延客問向誰彈則通州白在濬子或  
 如父子善琵琶好為新聲須臾花下置酒白生為予朗彈  
 一曲迺先帝十七年以來事敘述亂離豪嘈凄切坐客有  
 舊中常侍姚公避地流落江南因言先帝在玉熙宮中梨  
 園子弟奏水嬉過錦諸戲內才人于暖閣齋鏤金曲柄琵琶  
 彈清商雜調自河南冠亂天顏常慘然不悅無復有此  
 樂矣相與哽咽者久之于是作長句紀其事凡六百二言仍命之日琵琶行

琵琶急響多秦聲對山慷慨稱入神同時漢陂亦第一兩人  
 失志遭遷謫絕調王康並盛名崑崙摩詰無顏色百餘年來  
 操南風竹枝水調謳吳儂里人度曲魏良輔高士填詞梁伯  
 龍北調猶存止弦索朔管胡琴相間作盡失傳頭誤後生誰  
 知却唱江南樂今春偶步城南斜王家池館彈琵琶悄聽失

聲叫奇絕主人招客同看花為問按歌人姓白家住通州好  
 尋覓袴褶新更回鶻裝虬鬚錯認龜茲客偶因同坐話先皇  
 手把檀槽淚數行抱向人前訴遺事其時月黑花茫茫初撥  
 鷓弦秋雨滴刀劍相磨轂相擊驚沙拂面鼓沉沉春然一聲  
 飛霹靂南山石裂黃河傾馬蹄迸散車徒行鐵鳳銅盤柱摧  
 塌四條弦上烟塵生忽焉摧藏若枯木寂寞空城烏啄肉轆  
 轤夜半轉咿啞嗚咽無聲貴人哭碎珮叢鈴斷續風水泉凍  
 壑瀉淙淙明珠瑟瑟拋殘盡却在輕籠慢撚中斜抹輕挑中  
 一摘滲慄颯颯惜肌骨銜枚鐵騎飲桑乾白草黃沙夜吹笛  
 可憐風雪滿關山烏鵲南飛行路難狽嘯颯啼山鬼語瞿塘  
 千尺響鳴灘坐中有客淚如霰先朝舊直乾清殿穿宮近侍

拜長秋咬春燕九陪游讌先皇駕幸玉熙宮鳳紙僉名喚樂  
 工苑內水嬉金傀儡殿頭過錦玉玲瓏一自中原盛豺虎煖  
 閣才人撤歌舞插柳停搗素手箏燒燈罷擊花奴鼓我亦承  
 明侍至尊止聞鼓樂奏雲門段師淪落延年死不見君王賜  
 子恩一人勞悴深宮裏賊騎西來趨易水萬歲山前鞞鼓鳴  
 九龍池畔悲笳起換羽移宮總斷腸江村花落聽霓裳龜年  
 哽咽歌長恨力士淒涼說上皇前輩風流最堪羨明時遷客  
 猶嗟怨卽今相對苦南冠昇平樂事難重見白生爾盡一杯  
 酒絲來此伎推能手岐王席散少陵窮五侯召客君知否獨  
 有風塵潦倒人偶逢絲竹便沾巾江湖滿地南鄉子鐵笛哀  
 歌何處尋

昔客吳趨葉聖野過晤論詩謂連昌宮詞長恨歌等篇乃關係一代掌故而竟陵不錄所以為

昨今讀祭酒斯篇流連歎述令人涕淚霑裳乃知無故而妄擬白傅琵琶者音雖諧弗善也

宮扇

宣皇消暑幸離宮。碧檻青疏十二重。七寶鑄銅薰鴨貴。千金磁翠鬪鷄紅。玳瑁簾開南內宴。沉香匣啟西川扇。蟬翼描來雲母輕。冰紈製就天孫艷。丹霞翥起駕雲輶。王母雙成絳節還。玉管鳳銜花萬壽。銀濤龍蹴海三山。芙蓉水殿琉璃徹。內家尚苦櫻桃熱。九華初御詠招涼。落葉迴風若霜雪。峨眉萬里尚方船。雉尾千秋奏御箋。公主合歡嬌翡翠。昭容反影闌。嬋娟遭逢召見南薰殿。思陵日晏猶揮汗。天語親傳賜近臣。先生進講幽風倦。黃羅帕捧出離闌。画筵丹青掌上。看俸薄。買嫌燈市價恩深。携謝閣門班。自離卷握秋風急。寒驢便面。

誰人識聞道烽烟蔽錦城。齊紈楚竹無顏色。石榴噴火照皇都。再哭蒼梧媿左徒。舊內謾懸長命縷。新宮徒貼辟兵符。雨夜床頭搜廢篋。摩娑老眼王家物。半面猶存蛺蝶圖。空箱尚記霓裳疊。蠹粉黃侵瓊樹花。麴塵香損紫鸞車。珠衣五翟悲秦女。玉墜雙魚泣漢家。莫嘆君恩長斷絕。比來舒卷仍鮮潔。乍可襟披宋玉風。不堪袖掩班姬月。  
一宮扇寫出盛衰始末使人婉轉傍徨玉

聽女道士下玉京彈琴歌

玳瑁珊瑚鈿蟬金雁所繇係才人之感歎耳

鴛鴦逢天風。北向驚飛鳴。飛鳴入夜急。側聽彈琴聲。借問彈者誰。云是當年下玉京。玉京與我南中遇。家近大功坊底路。小院青樓大道邊。對門却是中山住。中山有女嬌無雙。清眸

皓齒垂明璫。曾因內宴。值歌舞坐中。瞥見塗鴉黃。問年十六  
 尚未嫁。知音識曲。彈清商。歸來女伴洗紅妝。枉將絕技矜平  
 康。如此纔足當侯王。萬事倉皇在南渡。大家幾日能枝梧。詔  
 書忽下。選蛾眉。細馬輕車不知數。中山好女光徘徊。一時粉  
 黛無人顧。艷色知為天下傳。高門愁被旁人妬。盡道當前黃。  
 屋尊誰知轉。盼紅顏。誤南內。方看起桂宮。北兵早報臨瓜步。  
 聞道君王走玉驄。犢車不用聘昭容。幸遲身入陳宮裏。却早  
 名填代籍中。依稀記得祁與阮。同時亦中三宮選。可憐俱未  
 識。君王軍府抄名被驅遣。漫詠臨春瓊樹篇。玉顏零落委花  
 鈿。當時錯怨韓擒虎。張孔承恩已十年。但教一日見天子。玉  
 兒甘為東昏死。羊車望幸阿誰知。青塚淒涼竟如此。我向花

間拂素琴。一彈三嘆為傷心。暗將別鵠離鸞引。寫入悲風怨  
 雨吟。昨夜城頭吹箏篋。教坊也被傳呼急。碧玉班中怕點雷。  
 樂營門外盧家泣。私更裝束出江邊。恰遇丹陽下渚船。剪就  
 黃繩貪入道。攜來綠綺訴嬋娟。此地繇來盛歌舞。子弟三班  
 十番鼓。月明絃索更無聲。山塘寂寞遭兵苦。十年同伴兩三  
 人。沙董朱顏盡黃土。貴戚深閨陌上塵。吾輩漂零何足數。坐  
 客聞言起歎嗟。江山蕭瑟隱悲笳。莫將蔡女邊頭曲。落盡吳  
 王苑裏花。  
 有此等恨事。却有此等好  
 詩千載傷心一時掩淚

鴈門尚書行

為大司馬白谷孫公作也。公代州人。地故雁門郡。長身伉  
 爽。才武絕人。其用秦兵也。將憑嚴關為持久。且固將吏心。  
 秦士大夫弗善也。累檄趣之。戰不得已。始出天淫雨。糗糧  
 不繼。師大潰。潼關陷。獨身橫刀衝賊陣。以沒從騎。俱散不  
 復見。公之弟。亦在軍中。公聞之。大恸。公嘗為鴈門尚書。故  
 名之。慎墨堂篋

能得其屍公之出也自念必死顧語張夫人夫人曰丈夫  
 報國耳無憂我西安破率二女六妾沉于井揮其八歲兒  
 以去兒踰垣避賊墮民舍中有老翁者善衣食之二年公  
 長子世瑞重趼入秦得夫人屍貌如生老翁歸以弟相扶  
 還見者泣下蓋公素有德秦人云公之參佐惟監軍道喬  
 公以明經奏用能不負公潼關之破同日死名元柱定襄  
 人

鴈門尚書受專征登壇顧盼三軍驚身長八尺左右射坐上  
 咄叱風雲生家居絕塞愛死士一日費盡千黃金讀書致身  
 取將相關西鼠子方縱橫長安城頭揮羽扇臥甲韜弓不忘  
 戰持重能收壯士心沉幾好待兇徒變忽傳使者上都來夜  
 半星馳馬流汗覆轍寧堪似往年催軍還用松山箭尚書得  
 詔初沉吟蹶起橫刀忽長歎我今不死非英雄古來得失誰  
 由筭椎牛誓衆出潼關墟落蕭條轉餉難六月炎蒸驅萬馬

敘事詳確

二嶠風雨斷千山雄心慷慨宵飛檄殺氣憑陵老據鞍掃箒  
 謀成頻撫劍量沙力盡為傳食尚書戰敗追兵急退守巖關  
 收潰卒此地乘高足萬全只今天險嗟何及蟻聚蜂屯已入  
 城持矛瞋目呼狂賊戰馬嘶鳴失主歸橫尸撐拒無能識烏  
 鳶啄肉北風寒寡鵠孤鸞不忍看願逐相公忠義死一門恨  
 血土花斑故園有子音書絕勾注烽烟路百盤欲走雲中穿  
 紫塞別尋奇道訪長安長安到日添悲哽繭足荆榛見皆井  
 轆轤繩斷野苔生幾尺枯泉浸形影永夜曾歸風露清經秋  
 不化冰霜冷二女何年駕碧鸞七姬無塚埋紅粉複道藏兒  
 定有無破巢窮鳥問將雛時來作使千兵勢運去流離六尺  
 孤傍人指點牽衣袂相看一慟真吾弟訣絕難為老母心護

○號○鬼○神○覺○尚○書○生○氣○猶○存○ ○○墓○寫○戰○敗○ ○○段○泣○風○雨○而○

持始識遺民意回首潼關廢壘高知公于此莖蓬蒿沙沉白骨魂應在雨洗金瘡恨未消渭水無情自東去殘鴉落日藍田樹青史誰人哭蘇碑赤眉銅馬知何處嗚呼材官鐵騎看如雲不降即走徒紛紛尚書養士三十載一時同死何無人○出○喬○監○軍○健○絕○至今唯說喬參軍○詳畧開闔擒縱起來俱以龍門手法行之其叙戰事始末則係一代興亡實跡

非離蟲家  
所可擬也

韓聖秋日按公潼關之役從峽渡河與總兵牛成虎訣以幼子托之遂登山痛飲投白馬于河伯尋赴洪流而死猶遺一羚羊角于山頭望見白馬出沒黃濤中此諸城丘通判為余言如此丘時屬監軍其言或非無據姑並存之如公亦可謂非偷生而事讐者矣

銀泉山

銀泉山下行人稀青楓月落魚燈微道旁翁仲忽聞語火入

空墳燒寶衣五陵小兒若狐兔夜穴紅墻縣官捕玉椀珠襦

○晚○力○健○甚○

散草間云是先朝鄭妃墓覆雨翻雲四十年專房共輦承恩

顧禮數繇來母后殊至尊錯把旁人怒承直中宮侍宴迴血

裏銀環不知數豈有言辭忤大家蛾眉薄命將身悞宮人斜

畔伯勞啼聲聲為怨驪姬訴盡道昭儀殉夜臺萬歲千秋共

朝暮宮車一去不相隨○牽○連○及○之○筆○法○最○妙○當時枉信南山銅只今雲母似平生

皓齒明眸向誰妬○牽○連○及○之○筆○法○最○妙○選侍陵園亦已荒移宮事蹟更茫茫兩朝

臺諫孤忠在一月昭陽舊恨長總為是非留信史却憐恩寵

異前王路人尚說東西李○二○李○寢○園○亦○在○山○下○指點飛花入壞墻○說○

○妃○又○牽○連○選○侍○及○二○李○筆○力○

臨淮老妓行

臨淮將軍擅開府。不闢身強鬪歌舞。白骨何如棄戰場。青娥  
 已自成灰土。老大猶存一妓師。柘枝記得開元譜。纔轉輕喉  
 便淚流。尊前訴出漂零苦。妾是劉家舊主謳。冬兒小字唱梁  
 州。翻新水調教桃葉。深定鵬弦授莫愁。武安當日誇聲伎。秋  
 娘絕菀傾時世。戚里迎歸金犢車。後來轉入臨淮第。臨淮游  
 俠起山東。帳下銀箏小隊紅。巧笑射棚分画的。濃粧毬仗簇  
 花叢。縱為房老腰肢在。若論軍容粉黛工。羊侃侍兒能走馬。  
 李波小妹解彎弓。錦帶輕衫嬌結束。城南挾彈貪馳逐。忽聞  
 京闕起黃塵。殺氣奔騰滿川陸。探騎誰能到薊門。空閒千里  
 追風足。消息無憑訪兩宮。兒家出入金張屋。請為將軍走故  
 都。一鞭夜渡黃河宿。暗穿敵壘過侯家。妓堂仍訝謫絲竹。祿

○冬兒近姚總兵茂○孽亦為予細談舊事  
○有○此○一○段○奇○事○故○須○以○歌○行○寫○之○

山神將帶弓刀醉擁如花念奴。曲倉卒逢人念二王。武安妻  
 子相持哭薰天。貴勢倚椒房。不為君王收骨肉。翻身歸去遇  
 南兵。退駐淮陰正。拔營寶劍幾曾求。死士明珠還欲致。傾城  
 男兒作健酣杯酒。女子無愁發曼聲。可憐西風怒吹折山陽  
 樹。將軍自撤沿淮戍。不惜黃金購海師。西施一舸東南避。鬱  
 洲崩浪大於山。張帆振柁無歸處。重來海口豎降幡。全家北  
 過長淮去。長淮一去幾時還。誤作王侯邸第看。收者到門停  
 奏伎。蕭條西市嘆南冠。老婦今年頭總白。淒涼閱盡興亡迹。  
 已見秋槐隕故宮。又看春草生南陌。依然絲管對東風。坐中  
 尚識當時客。金谷田園化作塵。綠珠子弟更無人。楚州月落  
 清江冷。長笛聲聲欲斷魂。

○挽○到○老○妓○上○妻○妻○楚○楚○最○難○為○聽○

典亡盛衰如許大事却借一老妓發之所謂白頭宮女紅豆詞

臣有心人于此  
不禁情長耳

蕭史青門曲

蕭史青門望明月碧鸞尾掃銀河濶好時池臺白草荒扶風  
 邸舍黃塵沒當年故后婕妤家槐市無人噪晚鴉却憶沁園  
 公主第春鶯啼殺上陽花嗚呼先皇寡兄弟天家貴主稱同  
 氣奉車都尉誰最賢鞏公才地如王濟被服依然儒者風讀  
 書妙得公卿譽大內傾宮嫁樂安光宗少女宜加意正值官  
 家從代來王姬禮數從優異先是朝廷啟未央天人寧德降  
 劉郎道路爭傳長公主夫婿豪華勢莫當百兩車來填紫陌  
 千金棹送出離房紅窓小院調鸚鵡翠管繁箏叫鳳凰白首  
 傳璣阿母飾綠韞大袖騎奴裝灼灼天桃共穠李兩家姊妹

驕統綺九子鸞雛鬪玉釵釵工百萬恣求取屋裏熏爐滄若  
 雲門前鈿轂流如水外家肺腑數尊親神廟榮昌主尚存話  
 到孝純能識面抱來太子輒呼名六宮都講家人禮四節頻  
 加戚里恩同謝面脂龍德殿共乘油壁月華門萬事榮華有  
 消歇樂安一病音容沒莞蕩桃笙朝露空溫明秘器空堂設  
 玉房珍玩宮中賜遺言上獻依常制却添駙馬不勝情至尊  
 覽表為流涕金冊珠衣進太妃鏡奩鈿合還夫婿此時同產  
 更無人寧德來朝笑語真憂及四方宵旰甚自家兄妹語艱  
 辛明年鐵騎燒宮闕君后倉皇相訣絕仙人樓上看灰飛織  
 女橋邊聽流血慷慨難從鞏公死亂離怕與劉郎別扶攜夫  
 婦出兵間改朔移朝至今活粉確脂田縣吏收粧樓舞閣豪

樂安之歿

說入寧德

全詩着力在此一段

與上二段蒙華相反

此處

此段言



家奪曾見天街美壁人今朝破帽迎風雪賣珠易米返柴門  
貴主淒涼向誰說苦憶先皇涕淚漣長平嬌小最堪憐青萍

血碧它生果紫玉魂歸異代緣盡歎周郎曾入選俄驚秦女

遽登山青青寒食東風柳彰義門邊冷墓田昨夜西窓仍夢

見樂安小妹重歡讌先後傳呼喚捲簾貴妃笑折櫻桃倦玉

階露冷出宮門御溝春水流花片花落回頭往事非更殘灯

地淚霑衣休言傳粉何平叔莫見焚香衛少兒何處笙歌臨

大道誰家陵墓對斜暉只看天上瓊樓夜烏鵲年年他自飛

樂安長平已逝只寧德尚在人間至為慘戚李嶠詩所云山河滿目淚霑衣富貴榮華能幾時也能無嘆息

### 過錦樹林玉京道人墓

玉京道人莫詳所自出或曰秦淮人姓卞氏知書工小楷能画蘭能琴年十八僑虎丘之山塘有婢曰柔柔者隨之

嘗着黃衣作道人裝每携琴為一鼓再行泫然曰吾在秦淮見中山故第有女絕世名在南內選擇中未入宮而亂作軍府以一鞭驅之去吾儕淪落分也又復誰怨乎坐客皆為出涕踰兩年玉京渡浙江歸于東中一諸侯不得意進柔柔奉之乞身下髮依良醫保御氏于吳中保御者年七十餘侯之宗人也別宮資給之良厚侯死柔柔再嫁所嫁家遇禍莫知所終道人持課論戒律甚嚴用三年力刺舌血為保御書法華經既成自為文叙之凡十餘年而卒墓在惠山祇陀菴錦樹林之原

龍山山下茱萸節泉響琤琮流不竭但洗鉛華不洗愁形影

空潭照離別離別沈吟幾迴顧遊絲夢斷花枝悟翻笑行人

怨落花從前總被春風誤金粟堆邊烏鵲橋玉孃湖上蘼蕪

路油壁曾聞此地遊誰知卽是西陵墓烏相霜來映夕曛錦

城如錦堊文君紅樓歷亂燕支雨繡嶺迷離石鏡雲絳樹草

埋銅雀硯綠翹泥浣鬱金裙居然設色倪迂画點出生香蘇

詩苑初集 卷之一 中藏稿

小墳相逢盡說東風柳燕子樓高人在否枉拋心力付蛾眉  
身去相隨復何有獨有瀟湘九畹蘭幽香好結同心友十色

箋翻貝葉文五條絃拂銀鈎手生死梅檀祇樹林青蓮香在  
知難朽良常高館隔雲山記得斑駁嫁阿環薄命只應同入

道傷心少婦出蕭關紫臺一去魂何在青鳥孤飛信不還莫  
唱當時渡江曲桃根桃葉向誰攀

憶癸巳冬汪然明拓同  
趙月潭飲湖上之不繫  
園然明言及下生毀粧學道近事月潭未之深信比甲午  
春予同錢牧齋宗伯往吳間鄭翁家訪之則樓頭紅杏炤  
人隔牆隱隱聞梵唄聲屬鄭翁致慇懃終不肯  
出今已葬錦林一抔土矣讀梅村歌為之歎惋

讀史雜感

吳越黃星見園陵紫氣浮六師屯鵲嶺雙闕表牛頭鎮靜資  
安石艱危仗武侯新開都護府宰相領揚州

莫定三分計先求五等封國中惟指馬閫外盡從龍朝事歸

諸將軍輪仰大農淮南數州地幕府但歌鐘

北寺讒成獄西園賄拜官上書休討賊進爵在迎鑾相國爭

開第將軍罷築壇空餘蘇武節流涕向長安

聞築新宮就君王擁麗華尚言虛內主廣欲選良家使者螭

頭舫才人豹尾車可憐青塚月已照白門花

漫說黃龍府須愁朱雀桁三軍朝坐甲十客夜傳觴王氣矜

天塹邊書棄御床江州陳戰艦不肯下潯陽

偏師過采石突騎滿新林已設牽羊禮難為刑馬心孤軍摧

韋粲百戰死王琳極目蕪城遠滄江暮雨深

稷棘千夫聚藤衝百里通白衣搖急漿青艸伏疆弓塢壁推

詩苑初集 卷之一 慎墨堂篋

嚴虎江湖屬管崇丹陽故鄣郡山越土人風  
越絕山河在征人尚錦袍乘風竹箭利狎浪水犀豪怪石千  
灘險疑城百里高臨江諸將帥委甲甬東逃  
八首典古壯麗皆能妙合

今情然不露感慨不涉  
譏刺固含風咀雅之篇

項王廟 在宿遷項王下相人即其地也

救趙非無笑坑秦亦有名情深存魯沛氣盛失韓彭垓下騷  
難逝江東劍不成淒涼思畫錦遺恨在彭城  
括盡項羽本紀

送紀伯紫往太原

今首壯麗  
不識盧從事能添幕府雄河穿高闕塞山壓晉陽宮霜積三  
關樹秋原萬馬風相依劉越石清嘯戍樓中  
初唐氣槩

送周子傲張青瑀往河南

許失中原計經過廢壘高秋風向廣武夜雨宿成皋此地關  
河險曾傳將士勞當時軍祭酒何不用吾曹

極目銅駝陌宮墻噪晚鴉北邙空有骨南渡更無家青史憐  
如意蒼生遇永嘉傷心譚往事愁見雜陽花  
古人于送行極為鄭重多

感慨箴勉之詞讀二詩  
令人發新亭楚囚之歎

送純祐兄之官確山

懸瓠城西路關山雪夜刀至今勞戰伐何日剪蓬蒿地瘠軍  
租少官輕客將豪相逢蔡父老閒說漢功曹  
典整又流逸此非祭酒不能

長安雜詠

聞道朝廷罷上都中原民困尚難蘇雪深六月天圍塞雨漲

千村地入湖。瀚海波濤飛。戰艦禁城宮。闕起浮圖關。山到處。愁征調。願賜三軍所過租。

簫鼓中流進。奉船司空停。索導行錢入。蠶名繭盤花。就千緝。

奇文舞鳳旋。袴褶射雕沙。積塞筐箱市。馬玉門邊秋。風粘杵。

催刀尺江左。無衣已七年。先朝所以罷織造也

急峽天風捲。怒濤穿雲棧。石度秋毫鷄豚絕。壁人烟少珠玉。

空江鬼哭高。縱火千村驅草木。齋糧百日棄弓刀。綿州却報。

傳烽緊峒戶。溪丁轉戰勞。

鼓角鳴鞘下。建章平明獵。火照咸陽黃山走。馬開新埒青海。

求鷹出大荒。奉轡射生新宿衛。帶刀行炙舊名王。侍臣獻賦。

忘遺事。指點先朝說豹房。

黃河東注出潼關。本濟漕渠竟北還。淮水獨流空到海。淮水為黃

河所通始于清口濟漕河去則汴堤橫。不逢山天心豈為。

淮竟入海。此清江關所以酒也。

投圭壁。民力何堪棄。草管瓠子未成淇。竹盡龍門遠。掛白雲。

荆隆口決用柳梢作今河強淮弱山陽實應之

間。土牛塞河功竟不就。間歲歲挑河將何以處之

西山盜賊尚縱橫。白晝畿南桴鼓鳴。誰道盡提龍武將。翻教。

遠過閩閩城。軍需苦給嫖姚騎。節制難逢僕射營。斥埃但嚴。

三輔靖。願消兵甲罷長征。三吳租賦所出亟須撫養此詩大有關係

揚州

野哭江村百感生。鬪鷄臺憶舊家營。將軍甲第橐弓臥。丞相。中原拜表行。白面談邊都入幕。赤眉求印却翻城。當時只有。黃公覆西上。偏隨阮步兵。甚惜之也

盡領通侯位上卿。三分淮蔡各專征。東來處仲無他志。北去深源有盛名。江左衣冠先解體。京西豪傑竟投兵。只今八月觀濤處。浪打新塘戰鼓聲。  
詩兼論斷

將至京師寄當事諸老

平生踪跡儘絲天。世事浮名總棄捐。不召豈能逃聖代。無官敢即傲高眠。匹夫志在何難奪。君相思深自見憐。記送鐵崖詩句好。白衣宣至白衣還。  
此笑啼不敢之時也。詩却字字斟酌。

過鄭州

馬滑霜蹄路又長。鴉鳴殘雪古城荒。河水雨入車難過。野岸沙崩樹半僵。邢邵文章埋斷碣。公孫樓櫓付斜陽。只留村酒鷄豚社。香火年年賽藥王。  
癸巳予策馬過此。曾有詩寫荒涼之狀。然不及祭酒不調之高。

池

送曹秋岳以少司農遷廣東左轄

秋風匹馬尉佗城。銅鼓西來正苦兵。萬里虞翻空遠宦。十年楊僕自專征。山連鳥道天應盡。日落蠻江浪未平。此去好看宣室召。漢皇前席問蒼生。  
筆力透過紙背

送楊猶龍學士按察山西

一天涼影散鳴珂。落木平沙鴈度河。北地詩名三輔少。西風客思五原多。紫貂被酒雲中火。鐵笛迎秋塞上歌。回首禁城從獵處。千山殘雪滿滹沱。  
聲容壯麗

題華山蘂菴和尚画像

西南天地歎無歸。漂泊干戈愛息機。黃蘂禪心清磬冷。白雲

鄉樹遠帆微。全生詔獄同。官在姜如乞食江城故。老稀布衲總是贈藥菴。詩汎作宗門語何涉

送吳門李仲木出守寧羌

君到南山去。興元驛路長。孤城當沮口。舊俗問華陽。稻近磻溪種。魚從丙穴嘗。殘兵白馬戍。廢塢赤亭羌。鐵鎖穿天上。金牛立道傍。隗囂宮尚在。諸葛壘應荒。往事英雄恨。新愁旅客裝。七盤遮駱谷。十口隔秦倉。黑水分榆柳。青泥老鷓鴣。不堪巴女曲。尚賽武都王。莊雅整鍊 純是唐音

聽朱樂隆歌

一春絲管唱吳趨。得似何堪此曲無。自是風流推老輩。不須教染口髭鬚。善為推許

長白山頭蘆管聲。秋風吹滿洛陽城。茂陵底事無消息。遶檀槽撥不成。小中見大

贈寇白門

寇白門故保國朱公所畜姬也保國北行白門被放仍返南中秦淮相遇殊有淪落之感口占贈之  
南內無人吹洞簫。莫愁湖畔馬蹄驕。殿前伐盡靈和柳。誰與蕭娘鬪舞腰。正意 襯出

同時姊妹入奚官。桐酒黃羊去住難。細馬馱來紗罩眼。鱸魚時節到長干。正自 難堪

重點盧家薄薄妝。夜深羞過大功坊。中山內宴香車入。寶髻雲鬟列幾行。

舊宮門外落花飛。俠少同游並馬歸。此地故人騶唱入。沉香

火暖護朝衣

難為回首

口占贈蘇崑生

樓船諸將碧油幢。一片降旗出九江。獨有龜年卧吹笛。暗潮

打枕泣蓬窓。

凄艷絕倫

有客新經墮淚碑。武昌官柳故垂垂。扁舟夜半聞蘆管。猶把當年水調吹。

西興哀曲夜深聞。絕似南朝汪水雲。回首岳侯墳下路。亂山

何處葬將軍。

婉麗處最能感入心脾

讀陳其年邗江白下新詞

漫寫新詞付管絃。臨春奏伎已何年。笑他狎客無才思。破費君王十萬箋。

鈿轂珠簾燕子忙。官人斜畔酒徒狂。阿麼枉奏平陳曲。水調

風流屬窈娘。

說得隋家天子敗興妙筆快致

落日青溪載酒時。靈和垂柳自絲絲。沈郎莫作齊宮怨。唱殺

南朝老妓師。

陳髯填詞妙絕當代固宜吹玉篴和之

錢牧齋日捧持。大集坐卧吟嘯如渡大海。久而得其津涉。清詞麗句層見叠出。鴻章繡繡富有日新。有事採剝者。或能望洋而嘆。若其攢簇化工。陶冶今古。陽施陰設。移步換形。或歌或哭。欲死欲生。或半夜而啼。或當餐而嘆。則非精求于韓杜二家。吸取其神髓而飲助之。以肩山劍南斷斷乎不能窺其籬落。識其阡陌也。

孫廷銓

拔先道相泚亭山東益都人

挽船行

中流振簫鼓。云是貴人船。挂席滄江上。弭權春城邊。城邊何蕭條。空屋澹無烟。征帆遲不發。錦纜須人牽。州符下四郭。悉

索其敝屣父老帶丁男腰鎌往麥田但有寡妻存力不任牽  
連來騎一何怒飛鞚走闐闐鞭撻縱橫下不得少遲延銜索  
似枯魚什伍且俱前畏糧不及夕往返動盈千聲勢若雷霆  
道路競喧傳皆云江南來東人投逝川微軀誠自惜寧為問  
募錢長吏且被縛長跪乞見憐蠲除雖有詔趨趨未敢言哀  
哀挽船行時命亦已然哀楚痛切以擬少陵無家別諸篇可謂神似

謝李吉津招遊西山不果

山遊秋有月木落將望霜西風板橋道蕭蕭送鴈行我亦巖  
阿人豈無芟荷裳過門來素侶招我躡石梁惆悵不成行側  
身望蒼茫但見暮色古北走闐塞長青門多岐路白雲有故  
鄉行行自羈東山水豈能忘高簡彌覺雋永筆墨勝人一籌

周亮工

減齋櫟園河南祥符籍江西金谿人賴古偶遂怨老詩集

庚子重九前四日板屋作

東偏種兩榆西偏菊與栢草堂不數楹層層羅書冊昨夜兒  
信來已成他人宅榆栢匪我思短菊我所惜寒花有素心為  
我色不懌北風向南吹珍重後來客難為卒讀

庚子重九雜感用古詩韻

夏畦與牛醫得拜先人墓悲我亦人子委親在道路依依尚  
夢歸望望空旦暮鬱鬱幽閉中昧昧難成寤嘆息此危躬不  
若薤上露乃知為養者出處能堅固寒蠶絮我床涼颺林外  
度掩涕擁敝衾細數平生誤披誠說向人誰能諒我素  
白門有敝廬思以庇兩親竭來棲宿莽誰成數尺墳弱弟難



當戶我子空荷薪烟烟地下眸望此赭衣人養莖無一缺孝弟良有因讀此詩而不下淚者必非孝子

唐祖命長歌見寄賦答

渡江洗馬愁不了梁園風物埋霜草一劍携來又蒯緱相逢日暮夷門道夷門道上蒼鷹起眼中誰是魏公子君來意氣肅冰雪日得追隨故老語山川曠兮邈何屬阮籍墟頭秋睡足薛公亭子花正開諸孟夫子梅花亭食舊堂前酒初熟唐子岸幘來逡巡石牀苔色青殷芬一歌一斗唾壺碎酒酣酒徧羊郎裙春絲自舞秀兒歌青天明月揮杯寫燈花挑出古沈淪名山許受高人罵別來出處空郎當幾度青書斷白狼林宗墓碣生秋雨薛老清風久壑藏有才如君匪寂寂白玉堂中美

簪筆清華博物探嫵嬾秘夜誦詢召宣室瓜藤棘蔓空相牽

吉網彌天鐵骨寒不信棟撓輕委地可憐城闕竟生烟丈夫○墨○花○飛○舞○

有恨磨金石一夜山河淚花碧四海歡聞檣机誅張儉江湖○指○懷○寧○也○

人未識隋堤柳色東流駛北固金焦六朝寺薊潮暮隔商女

詞龍雨朝騰雒神字安得從君負錦囊江雲江南淡翱翔梁

園古雪邗江水流出桃花濯古腸俯仰今昔意緒蒼涼其文采颺馳是其餘事

別客

別正秋冬際羈心入夜真深更沙際權卮酒遠遊人煙逼山容暮燈搖水氣新後時應有夢風雨呈江濱新而辣○首篇有客心支

夜永江影就燈全二語絕妙

客自秣陵至便與俱歸

君來殊有意○如○此○起○法○甚○少○似促余歸小艇同花坐空山看鳥飛經灘閒  
注水過嶺勸添衣○結○亦○妙○不若秦淮好相期守釣磯

黃田守夜

垌寇真難撲羈心盡夜忡樓高欲古驛岸斷壓孤篷鬼氣低  
翻火梟聲亂舞櫻朦朧沙磧裏處處響刀弓○長江集中有此奇鬱

重九日茶洋驛有懷舍弟靖公

此日同寒食良時變欲窮高臺難北望客意憚秋風別路烽  
煙滿鄉書鴈羽空插萸看幼弟天末雨濛濛○從容大雅言外有不盡之意

白蓮驛

古驛藏山曲兵戈不盡焚○筆力緊不祇語鍊一燈隨雨亂半榻向僧分瘠鳥啼

枯樹寒孤舞敗墳若門看早閉虎跡亂紛紛○收束妙

全首警拔

汀署聽雨有懷秣陵諸同人兼寄羅星子胡元潤皆兩

君借予入閩留榕署中

孤燭全無寐雨聲入夜驕旅愁增老病鄉夢隔雪霄別去踪○括盡  
無定同來信亦遙終宵難更聽不悔種甘蔗○題意

送胡三元潤返白門

願欲留君住能還亦我私慮親開遠信仗友飾歸辭疲硯分  
燈倦勞魚任字遲秦淮春事好弱柳絲絲絲○起○法○甚○妙  
先立意而筆隨之故能驅

除浮冗

病甚扶掖登舟枕上成詩

夜雨洪塘岸危檣老病身江風吹藥竈榜子促醫人亂覺妻

孛累衰知性命真誰憐踟躕客退路亦逢噴

中藏稿  
高秀如百  
尺之桐

獨卧驗夢菴

靜裏籌歸計寒霜透薄衾萬山連夜雨獨客五更心鳥宿川  
光暮龍歸海氣森何當一枕上兀兀盡遙岑

是萬山  
中語

送王勝時返雲間

初亦隨緣住經時不忍還兵戈看漸老生死此相關雨黑丹  
霞驛潮青紫帽山百年難別爾岐路淚空潛

佳處在淡在  
樸徒以警句

求之  
則非

空隱和尚俗臘

生天良不易選佛亦難成但說慈悲力能銷戰伐聲病尤甘  
敗寺老益賤虛名一笑桃花發春風第幾庚

空隱真實學  
道絕無堂頭

習氣余在嶺南海  
幢寺曾與晤接

寇退郊望

海水能飛立殘黎黯自吁千家灰大漠萬鬼溷荒蕪到日皆  
成淚關心獨茹荼不知座上客曾憶徒薪無

慘痛處如讀  
古戰場賦

臘月二十日小飲詩朱靜一倡

蓆舍寒威逼噓聲釀作飈酒難支此夜雪欲到來朝官罷令  
詩賤途窮看僕驕獨憐墻外客千萬里為遙

實歷語道來  
令人拍案

龔半千移家

倦鳥無高翼卑飛又一林小心過逆旅大意失黃金硯亦移  
將破山猶入未深空聞買字者曲巷費追尋

深老為集  
中極筆

不寐步梅花下念宗定九多病鄉居不得數見東此

詩韻初集 卷之一 中藏稿

意中常欲到新柳讀書堂新柳草堂定九讀書處未是人千里依然水

一方空江澄客夢冷月定花香知爾亦無寐還為遠道傷

清氣相引不  
僅琢句之鮮

### 題李武曾灌園圖

荷鋤忘旦暮得慰北堂萱人在一方水天留數畝園讀書知

孝貴食力羨農尊閉戶高吟外垂垂雨露恩言可垂訓

### 喜王玉式至廣陵玉式五年未歸矣

寫出高致歸來投野寺萍跡太無端憎病千秋去論交一雨寒殘棋新

白下艷夢古邯鄲酒至為予醉雙眉莫更攢

### 初春得陳伯璣遠書細字千言難為老眼

細字開靜夜燈影苦摩抄文字江鄉賤知交患難多貧堅新閱歷

遇來語歲月老畏舊風波知爾勞勞意論詩自養疴骨力

### 皖江值文燈巖

奇天山是匡廬大江從九道開文章千氣象姓字不塵埃垂老真

相見依人只自哀雲林三十六頗欲趁公回予家金谿雲林三十六峯下

首二句似不說着燈巖而贊歎處正在此非俗流所曉也

### 梁溪成二鴻舊以孝廉訓皖臨江築小閣讀書其間十年不成歸也

老筆如鐵江城開小閣閣後盛唐山依隱聊三徑著書滿一間儒官容

易罷秃筆不教閒未了傳經事誰能得暫還

### 從余澹心移竹澹心躬送至

種樹吾難待栽成喜目前倩為閒伴侶期得久周旋老友躬章法次

詩見初集 卷之一 慎墨堂篋

第○蕭○然○自○韻○  
相送新枝我見憐，恰逢秋雨滴簷際。已懷煙。

清迥獨賞

題龔半千半畝園

於世殊無事，經年合閉門。白衣全墨汁，烏几足花痕。亂竹三更雨，空山半畝園。畏人常裹足，感激虎狼恩。  
味末二語得居心涉世之法

夜登邵武城樓感懷

亂裏凭高滿目愁，悲歌隱約古梁州。烽煙斷續鄉思晚，瘴雨霏微客路秋。落日旌旗搖複嶺，西風鼓角動危樓。羈人莫向城頭望，百折樵溪盡夜流。  
渾○茫○

孤城戍柝靜寒威，宿霧難開淚一揮。猶夢故人朝命駕，空憐奴僕暗籌歸。鐵牛嶺外鴻音斷，竈馬山前羽檄飛。只此崇墉

堪寄托，白雲南望是親闈。

丁亥除夕獨宿邵武城樓有作

河山渺渺獨愁予，吹角登陴夕已除。陸海百年同汨沒，浮生此際識居諸。荒城戍柝三更盡，孤燭鄉心萬里餘。永夜懸知兩地淚，能歸勝寄故園書。  
精神百倍

戊子上元獨坐舊雨堂感懷

吹梅笛緩酒卮繁，夜雨空堂此上元。共與蠶桑新百倍，猶憐燈火舊千門。春風不為吹鄉夢，好句差能健客魂。莫向梁園懷盛事，鄒枚詞賦更誰存。  
一篇之中百感交集

寒食詩話樓感懷

高樓獨擁萬山前，風展牙旗草色芊。藥裹羞隨刀共佩，鄉書

不與燧俱連。天涯作客逢。寒食馬上看花見。杜鵑遺令未須。  
○意○妙○妙○頻禁火孤城。此際半無煙。  
不事凋刻却筆力。意識俱高人一頭。

馮伯宗至自秣陵

○三○年○瘴○癘○兼○兵○燹○親○串○誰○能○過○嶺○看○冷○署○逢○人○添○氣○色○寒○家○  
○賴○爾○報○平○安○亂○中○來○路○倉○皇○問○別○後○新○詩○急○遽○攤○滿○郡○荔○香○  
○紅○欲○墮○傲○他○嶺○外○不○曾○餐○  
一句一意却又是一筆寫出。此神來興到不假思索者也。

江行雜感

逐客江干夜寂寥。無端鐵笛起中宵。深秋梁苑新沙積。明月  
清溪舊板橋。萬里夢回千嶂雨。一帆風動五更潮。草堂空有  
農書在。桑柘如今盡已凋。  
氣力完厚。

仙霞關

漁梁北接大竿長。亂水懷煙峽勢張。竹杖扶人青玉屐。蒲囊  
裹飯綠雲香。溪聲入夜迷千仞。雨氣經時幻一方。岩裏如聞  
三澗雪。不妨草止夢滄浪。

高矚應知與帝通。雲流一綫日瞳矚。荒亭坐佛空泉裏。薄板  
肩人細雨中。岩下茶紅燒竹賤。峒邊屋漏補茅工。蠻鄉但有  
猿啼苦。莫向秋風更認鴻。  
山水間着不得應副語如此。曉深蒼峭固是巧匠琢山骨耶。

長汀舟中有感。昔家嚴慈在白下。妻孥在榕城。

窮巖絕壑盡烽煙。鳥道遙看庾嶺連。幾處夢魂明月路。一林  
楓。柏。夕。陽。船。卽。教。白。下。書。能。寄。那。識。榕。城。客。更。遷。此。地。西。通。  
章。貢。水。歸。心。日。夜。大。江。邊。  
此等詩無以奉贊。但詠老杜詩。日毫髮無遺憾。波瀾獨老成。

清漳城上感懷

殘城日落起悲笳。百道旌旗。復嶺遮。黑箐吹塵。迷綠野。青燐。  
○奇○絕○  
照雨變丹霞。陣連虎渡江。千驛烽接龍巖。海上槎。戰鼓即今。  
○吞○嗟○感○歎○筆○有○餘○情○  
猶未歇。漳南自昔重豪華。

桃源縣答宋去損卓初荔

舊聞淮水來。桐栢清濁平。看盡夜流斷。岸數家。孤似鳥長河。  
一縣冷如秋。深燈苦照初。為客襟被難安。不定舟。莫使風霜。  
增旅病。狂瀾靜處有輕鷗。  
風景情緒寫得蕭涼如見

寄淮縣楊再蓬蔡漫夫千鳴岐

流飯橋頭月滿林。囊沙河上樹蕭森。長風白浪魚書遠。細雨。  
孤山客夢深。賣餅難留車下士。解驂獨感座中心。自憐華髮。  
垂垂老更對斜陽。撫劍鐔。  
公此種詩極高渾又極靜密已造丹成九轉之候

從山後倒入無想寺與僧惺悟

陰森枯栢迷無路。倒聽鐘鳴有佛場。欲踏高巖看石白。休捫。  
古碣話蕭梁。徹廬響滴千山雨。破衲新縫九月霜。莫指寒花。  
畱客宿暮雲。哀壑易心傷。  
○字○不○輕○下○  
蒼潤沈鍊却氣格完渾非猶離搜之習

登超然臺望馬耳山用謝在杭韻

層疊蓮峰天外開。荒陰冷逼古城臺。何能便向山中住。憾不。  
○用○意○宛○曲○  
遲從雪後來。一拜前修惟命酒。但登高處易興哀。殘碑斑剝。  
知誰好屐齒。休輕破綠苔。  
清冷之致逼人

東武懷古

更遣雲門客。渡濰沃淇東。下盡荒陂秋風野。水韓王壩。落日。  
高臺李相碑。石址空鞭山鬼骨。桑田亂墾海龍皮。當餐頗憶。

如瓜棗幼渺仙人不可期

波濤騰處亦飛塵。屈吐奇懷麗。矚新霸氣縱橫。秋雨漫仙風。

隱約野烟。泯峰窮碧。落爭趨海客。到天門。欲問津黔。首舊傳。

三萬戶不知今剩幾。秦人每一拈筆便有臨碣石觀滄海之槩只是才雄氣老。

百丈岩瀑布同公蕃賦

雷耕石骨劈。巉嶮波詭雲騰。百丈高競道。春飛花五色。那堪。

雪定玉千條。支分泰岱山。容濶勢接蓬萊海。氣驕白日增寒。

人影肅空岩。木葉響蕭蕭。氣完力厚此從沈酣少陵得來以為摹擬王李未免管見

陸咸一招同陳階。六張鞠存楊修野宴集。咸一以閩學。

使初歸

落盡桃花酒不波。春風作勢吹黃河。快心空有丁年夢。苦語。

偏傳子夜歌。幾日知交餘墨瀋。偶及萬年少王雪蕉筆墨半生踪跡艷漁。

蓑憑君却憶閩南好。丹荔垂垂映客醪。風致踟躕似藐姑仙子

張鞠存曲江樓雨後看牡丹卽席限韻

長江濁浪逼春寒。萬綠迷離鳥夢安。細雨難催孤棹去。繁花。

苦約老人看江天。雲樹登樓暮。淮海風流入座寬。此際故園。

風景異輕帆一望路漫漫

靖公弟至

荒城兀首對燈殘。歸計先愁百八灘。爾又遠來余未去。高堂。

清淚幾時乾。情真語摯讀之泣不能止

清漳送郭無疆歸莆田

亂餘踪跡與心違。北鴈誰教嶺外飛。總是猿聲難更聽。故鄉。



詩集不集  
作客亦懷歸  
移用他處不得

題画送伯紫

鷓鴣聲裏草萋萋、沙際舟停夕照低、意內似曾幾度見微茫、  
不記是何溪、  
中有画意

送徐存永遊大梁

一夜魚龍覆汴城、桃花水漲看君行、兔園入望迷荒草、詞賦  
何人重馬卿、  
用事用意俱到

哭樵川楊凌颺茂才

唾地新詞破錦囊、高樓君自拜滄浪、文人命薄將軍死、誰賦  
城南舊戰場、  
筆端有氣

次邯鄲簡李浦珠

無途衰柳看斜陽、祇覺邯鄲道倍長、眼底滄桑猶未悟、何須  
夢裏說黃梁、  
喚醒癡人勝于棒喝

邢上重晤黃濟叔題其近画

驢背霜寒客路艱、年前此日見君還、歸來不索荆關畫、得看  
江南別後山、  
有画意

秣田菊徑久荒蕪、舊日籃輿近在無、念爾箴予應有意、倉皇  
急示五湖圖、  
此謂良友

關前征雁肯南來、誰道窮邊是夜臺、待得長征人到後、同君  
細細寫龍堆、  
時龍眠方公兩意夾說從塞外放歸大有情致

章丘追懷李中麓前輩

焉文閣裏舊詞魔、自說聞聲泣下多、鵝管檀槽明月夜、百年

猶按奉常歌公以為文名閣。公稱其客有濟南胡春以鵝管作笛有穿雲裂石聲予過章丘猶見有為此  
技者。○公以奉常致仕

喜蔣用敬至自閩南

海水羣飛百丈高。同君城上擁弓刀。戰癡莫共燈前看。恐惹霜華上鬢毛。

因是戰地故人不比尋常話舊詩特引人墮淚

錢牧齋序云或曰子之推許櫟園也其指要可得聞乎余告之曰有本古之為詩者有本焉國風之好色小雅之怨誹離騷之疾痛呼結轉于君臣夫婦朋友之間而發作于身世偏側時命連寒之會夢而靈病而吟春歌而溺笑皆是物也故曰有本唐之李杜光燄萬丈人皆知之放而為昌黎達而為樂天麗而為義山譎而為長吉窮而為昭諫詭恢昇兀而為盧仝劉叉莫不有物焉魁壘耿介槎牙于肺腑擊撞于胸臆故其言之也不慙而其流傳也至于歷劫而不朽今之為詩本之則無徒以詞章聲病比量于尺幅之間如春花之爛發如秋水之時至風怒霜殺索然不見其所有而舉世咸以此相夸相命豈不未哉

杜濬 于皇茶村湖廣黃岡人 變雅堂詩集

寓園卽事

暫歸不得息。復來叩園荆。掃榻恣偃仰。深綠怡我情。假寐遂成夢。夢醒聞流鶯。為時已中伏。宛作春曉聲。奈何雀與鳥。努力方爭鳴。衆雀既嘈雜。羣鳥尤豪橫。坐令好奇阻。側耳不分明。三歎推枕起。仰視天宇行。

我往囑除草。我旋草未除。葵荒亦在眼。冥蒙相翳如。非時見醜態。遑問種類殊。連日資霖潦。草長數尺餘。中藏蛇與虺。豈但蠅蚋陸。牽扳蘿葛上。勢欲薶芙蓉。投足畧無逕。出入鈎衣裾。我心有所觀。此草適可除。但用一夫力。坦然心神舒。累石為池沼。圻裂不見水。人言此龍脊。枯涸良有以。我言谷

為陵水自漲都鄙何知雨卒暴淤水忽一指昏濁豈足觀徒  
惹鳴蛙起什伯相唱和曉夕無停晷其聲頗厭聞彼自以為  
美形容昔所知氣力今誰比愁人甘一睡聒噪過無理官私  
何所為此言殊甚旨使我神不凝夢中亦掩耳聾思雀與鳥  
鳴尚有時已眼見水速消爾蛙毋太喜  
三首借物起興具見嫉惡之指此為

風騷之遺

贈孫無言因送之吳門四首

余與孫子交及今將一紀言念招提游識余及王子  
于王子今則亡類波復誰砥有失誰箴規有善誰歡喜  
意忌生戈矛百諛非知己况與論斯文迢迢隔萬里  
所以西州慟對君不能已  
無言經紀于一之喪且料理其遺稿洵為高誼宜于皇媿媿言之

吾子與眾異奔競為篇章不掃丞相門惟登處士堂  
久要不

必言焦獲

孫豹人

與黃岡新知日輻輳高士不得藏我無升斗

量千頃資汪洋并介互相勉短中各有長  
古人重一言豈必

如○此○箴○規○方○合○古○道

縑盈箱願子少褊隘正復得中行悠悠千載下  
長懷虞仲翔

黃山歸未得且復之吳門吳門有何士伊予老友存  
金子別

來又六載頭白可不論君行必把臂鄭重相思言  
復有徐昭

法秉心識本原筆力亦矯矯學古窺詞源其人不可見  
絕俗

逃山樊嘗恐世人知所居非一村以子勤訪索當不憂  
踰垣

好士而得士歸來閒心魂

游吳門只勸其尋二君何等識鑒

落盡廣陵花君始出門去曠然見大江可以洗塵慮  
春浪擁

金焦奇懷生灑瀆痛飲梁谿酒望見虎丘樹愛爾無機心  
行

詩藪不集 卷之一 行必有遇○交道非一端○慎勿執辭賦○  
贈送詩如此關係方知草草作應酬語者

亟當覆議

### 送王阮亭北上

淮水揚洪波○中有沙棠舟○借問將焉之○北行到幽州○秋風何習習○秋雨何淅淅○瞻彼舟中人○於我交綢繆○方當來作理○余適過邗溝○官廉忍分俸○自笑余何求○干請誠則拙○談苑固其優○感君適野性○飲啄勤相周○送酒必絕品○推食必精饒○勝境必我招○佳句必我投○煥時貽我葛○寒時貽我裘○記逢人日雪○造我吟窮愁○豈獨棄案牘○居然忘貴游○人生意氣合○豈在干金酬○揮手送君去○此義今悠悠○  
文章有神交有道惟阮亭茶村兩公足當斯語

交友願為官○為官期顯赫○寧知官愈高○于我匪得策○豈伊肝

肺殊良繇○道里隔邇余○有知己來卜金陵宅○  
謂淝水先生 汎愛謬

親余相依○忘寒厄一去登三事○棄我遂無食○鄙人出門難○豈

但車不輒○誰云長安遠○安得生羽翮○繼者獨有君○今又入前

席煌煌○古容臺遷擢潤主客○新秋臨淮水○此別非咫尺○三復

雲龍篇○悵望頭更白○  
送阮亭又說及淝水亦覺知已寥寥有獨立風塵之感

### 揚州草

庚戌十二月客揚州作

揚州草不青○復不黃○百錢買一束○難熱釜中湯○有米之家亦

無飯客子聞之仰○天歎將薪比桂桂○不如琪花瑤草誠有諸

揚州草值甚貴而庚戌冬尤甚此為實譜其事

### 揚州雪

揚州雪積如山○滿城乞兒盡凍死○商人亦覺今年寒○客子衣

單資用竭似到揚州來看雪。雪下白筵筵入金，不可炊江南。  
亦有雪江北來何爲 大是 亦是

揚州炭

揚州炭炭有汁渣無多。汁滴瀝故人憐老翁。買送風雪中呼。  
○苦○境○痴○情○ 兒燃薪急煎炭炭未乾時薪已斷。感君意氣肢體溫。炭乾炭  
涇何足云。

揚州春

揚州春迎春自東郭。盡道今年官作春。先期三日行催索積。  
雪泥深一尺餘。倡婦挾瑟乘肩輿。紅粧半露疎簾裏。不知顏  
色還何如。春日諸官宴綵幄。此曹勸酒須唱曲。請君但聽曲。  
莫聽六街三市哭。  
此仁者之言長  
官聞之休怒

揚州客

揚州客出門殊意氣。匣有無絃琴。知音期不至。嗟爾客來去。  
無計故人賴。有韓張良。  
釋恭 層冰窟裏露熱腸。鯉魚尺半亦  
尋常。魚中素書不可忘。  
五首寫得盡態極妍  
窮悶中可發一笑

賣船行為施愚山

嘻人生寧可無宅住。妻子不可無船狎。烟水我昔常思有一  
船。放浪江湖誦書史。名山可游解纜就伊人。宛在舉帆指放  
翁。長在三泖間。少伯不離五湖裏。有時風流效陶峴。歌船酒  
船更啣尾。將船垂釣七里灘。將船吊古西臺涘。吁嗟乎無船  
○人○情○ 妄想過一生。有船不賣可知矣。故人愚山我同志。久宦一船  
豈謂侈。矧君博雅富才情。船中汨汨吟聲起。叩須正欲往從

之唱和船中風日美何故牽舡急求賣無舡倍昔有船喜短  
簫橫笛兩茫茫木蘭沙棠徒爾爾愚山一笑君言然以君作  
我亦賣船 都是尋常眼前語他人却尋思不到一經  
茶村手便覺風趣洋溢其才高其筆妙也

同心念一老歌

老夫怕熱抱佛脚龍興古殿命所托清晨躉入復對誰彌盧  
尊者眉如昨金像還疑汗在顏那有醍醐分半勺沈眠只願  
夢化魚却思魚亦匪克樂元都道士偶相識見我眼赤貽我  
藥藥封不動休致疑生怯鑄火添燻灼紫微泉水清見底汪  
友西瓜難再索自憐內熱不可瘳安得曾冰供大嚼忽聞童  
子叩殿門恐是熱客驚我魂入門乃是黃魯直遣童挈榼提  
清尊開樽頗恠無酒氣小榼未啟香氣氤氳榼中宛轉亳州之  
二語觀得好

貧果尊中湛湛泉出江左惠山源把瓢飲水毛欲立果方漫  
喫核僅存豈獨二物性所愛日來暑病都除根問之何由得  
○妙○在○童○子○說○話○不○再○叙○  
有此童子喘定始細論嗟乎世人贈送踴躍走豪富三韓氣  
息尤所奔獨君父子同心念一老使我震動感激聲還吞  
子美每喫人一飯受人一物必感激贊歎此真  
仁心厚道非輕薄兒所知也茶村猶存此意

快哉行

江東自從大麥黃乾風吹塵十丈強高田低田徧龜坼焦土  
何處容針秧我行江北耳輿論旱魃安得灾滌陽太守憂民  
若赤子斯民戴守如爺孃快哉五月十三雨堪紀城隍廟中  
鼓聲起步禱剛傳太守來香煙未斷翻盆似倒捲黃河定是  
誰知是龍池老龍子六鄉三市何所聞歌聲笑聲雨聲裏颯

沓、渾、如、萬、馬、至、萑、葦、麼、磨、皆、短、氣、霹、靂、娛、心、綠、竹、昏、電、光、悅、  
眼、泥、金、字、盈、溢、漂、流、濠、下、魚、渟、沚、浮、動、龍、興、寺、此寺時寓客子提  
壺、問、酒、家、詞、人、攬、筆、勞、詩、記、霑、足、沔、沔、自、此、州、橫、被、迷、溝、與、  
頓、丘、錢、罇、勻、泥、古、塍、復、桔、槔、洩、水、方、塘、收、掃、括、倉、箱、待、子、粒、  
抖、擻、簞、笠、驅、黃、牛、老、農、相、顧、得、有、此、感、格、豈、不、繇、仁、侯、君、不、  
見、太、守、謝、壇、民、擁、足、相、賀、吾、侯、今、日、可、食、肉、  
久旱逢雨寫得淋漓馳驟

有画熱画水手段

後快哉行

今年竹醉之日得好雨原田水深非小補潺潺瀟瀟流洽旬  
情農遲種仍乾土嗚呼皇天亦難作倏堯倏湯為怨府北風  
之圖不我涼雲漢之詩亦何苦或言龍掛三日前火雲騎日  
先為寬勢

殊茫然或言屬邑有大雨來者亦復云虛傳或言四鄉雨不  
絕太守疑信終憂煎寸忱積禱見靈貺祝版往祭豐山嶺歸  
來割胙貽客子仲叔豬肝何足比誰知飲福猶未終電掣雷  
轟三百里分明舊雨不如今舊雨三尺今半咫舊雨當時已  
足奇今雨回天良有以君不見大河南來十三盜礮礮項領  
猙獰貌八盜八馬皆肥膘一朝穿鼻擒之到刀脊猶殷又澗  
血箭鋒忽折仙居道觀者傾城如堵牆駢肩疊跡惟知笑維  
時太守獨沈思城中巢穴誰得知矧有兩梟猶未得寧無三  
窟當窮治大之城池小府庫豈獨編戶關安危弘羊不烹天  
不雨何況此物容畱遺果然一鞠得賊首市中童謠天上口  
娶婦如花親串羞成家伏莽交游醜明臺懸鏡光熊熊賊智

焉能瘦某某向者竟徒皆虎豹此時因繫同猪狗快哉真賊  
盡得株累寬廓清不獨滁陽安是日密雲方布濩列缺吐火此段善勢緊板收一篇之  
豐隆謹金蛇出沒銀箭攢絕奇雨點大如盤東塘放溜西堰局  
滿古井亦復生波瀾當知從此直至秋成不復憂雨少除民  
之害天心歡噫嘻彼焚巫覘誠何干叙述擒盜一段形容  
詳悉筆法錯綜收到

雨澤上如萬馬歸營金鼓並作  
此以古文手筆為歌行者也

### 唐港耕人歌

黃河北岸飛黃沙倪生有田河水涯地名唐港濱瘠鹵耕種  
不熟催科譁大兵四征復加派公庭使費紛如麻借問此田  
胡久留誰愛苦李求匏瓜倪生昔日有此田無米納課猶安  
然三二年來家屢空安得飽飯還晏眠佃人走散老特死田

生白草如窮邊倪生一朝長歎息驅我力作寧非天東隣借遺似

古樂府

錢鏞西隣借枯樺南村買黃犢北村賣寶刀嗟爾倪生本詩

豪惟知痛飲讀離騷如何襖襪跣雙足犁鋤之具手自操倪

次第寫出

生答言良有以僮僕忠良古無幾污萊重使遭侵漁不如棄

向黃河水唐港耕人名亦佳既耕還讀原繇已但求了得官

家糧歲時婦子皆歡喜君不見陶潛田舍有真趣飲酒篇篇

見佳句尚嫌懶惰不躬耕柔腸寫在閒情賦諸葛躬耕頗不

凡多事他年答三顧畢生漢賊終兩立豈若南陽守康瓠吁

長歌以慨入我擊節三嘆

嗟乎倪生之先人功高未得圖麒麟有子儒雅復苦貧始知

韜鈴詞賦兩俱錯對君且說田家樂但說耕人之樂便少  
情味此從時事寫出

無限感慨讀之欲歌欲泣○天章近卒  
于彭城終無血胤閱此詩可為太息



歸不得行

杜陵老翁歸不得，黃河之水聞歎息。赫蹏乞米長厚顏，艱難轉不憂。無食獨傷百日，栖荒寺涼燠。循環豈終極，初來北郭喚催耕。臨去西堂鳴促織，中間毒熱不可當。五月披裘心自側，典盡寒衣縫葛裳。漫向人前炫要褸，青瑣鐵研今何在。買薪賣到書與墨，老僧日日問我行。使我低頭惟默塞，積逋凌雜難具陳。豈第少渠僑賃值，况復無端忤俗兒。窮途苦澁添荆棘，不知忍耻復誰待。平生故人萬夫特，嘗將松栢比君心。嘗將山岳方君德，疥癩為災抵妬余。咫尺不得見顏色，昨日緘書汗流頰。今日題詩淚霑臆，老翁他事休再論。歸飛願借扶搖力，

俗兒不足論何以故人終不得見顏色耶窮途之困極矣茶村寫得曲盡無一語傷俗兒無一字

怨故人茶村可謂厚道

觀棋行

倪生周生居比屋，秋涼賭酒憑棋局。布子浸多勝負分，倪生黑子彌方幅。周生暗數色沮喪，細語微聞五十六。安排今夕周作東，溪蟹香醪入吾腹。俄頃局中忽大噪，喜者却驚愁者笑。地覆天翻一着差，可憐官着還難料。老夫觀此惆悵不能餐，棋乎棋乎何足歎。

末二語結出本意覺此詩非無為而作

花時賞繡袍

敝繡空將去何曾，及米薪長饑從入口。難負是三春，共笑無衣叟。方誇獨樂身，號寒終有日。不悔見痴真，不是真痴那。江南傷水潦，城北自花開。憂世非吾事，為歡在不才。袍如春

言觀初集 卷之一  
鴈去酒似晚潮來正使平成奏于人何與哉

極狂

中藏稿

泊秦郵贈劉雪舫

宿漿傍秦郵城中訪故侯攢眉經馬隊容膝到瓜疇世界湖  
天迴門庭竹栢幽寧論今昔異只作本林丘

過來人處  
困窮妙法

末二語好安  
慰却是繁華

送別龔孝升

天末衰遲眼十年望故人相逢不長聚後會復何辰獨困方  
知拙難言始是貧良時多好語忍淚盼行塵

爲作  
此語

非遇極真情  
極厚道人難

送歸玄恭歸吳

別離二十年相見各皤然尚有論文興而無沽酒錢客中吾

送子江上水連天世路多荆棘行行必慎旃

與老友贈別  
便有一段真

氣迴翔筆墨間着  
一毫粉飾不得

中秋燕李三友池上

秋天雲日好何必盡晴空踈雨來無跡清尊趣不同烟霞深  
薜荔燈火淨梧桐免被嫦娥見年年羈旅中

深老

八月八日同天章任公飲虞山張子齋中歸經一草亭

夜談紀興

步出蓬蒿徑還過一草亭僧扉知不遠客屐恰須停夜雨傳  
杯靜秋燈說鬼青征鴻太嘹嘍幸得醉中聽

踈老矣却有  
沈鬱深華之

氣此非于  
皇不能

登多景樓

乘興不能遠來登多景樓夕陽江色異甘露寺門秋草木添  
新恨漁樵減舊游步歸防小梗躍馬徧林丘  
小小登臨却眼中意中說

出無限情事此詩所以高人一等處

過昭關題壁

昭關傳此地楚客復經行廟貌丹青薄風烟禾黍平欽崇因  
國士瞻顧帶鄉情頭白今秋極真愁見者驚  
因鄉情帶出深感筆意纏綿無盡

盡

題蒲道人亭子壁

倦客時吟望老僧虛此亭雪消江始白春至草初青一室能  
周覽雙扉自可扃錫山歸棹便應向此中停  
好亭子令人神往○雪消

江始白與夕陽江色異非遇極靜人誰能領畧

柘皋早發

蚤發柘皋鎮出門疑五更水田先作曉山路幾時平後騎風  
相逐前人影漸明翻愁羣動起亂我百虫聲  
形容早發二字可謂入神

天章酌我

久客防人面相看一友生秋深添酒味老至減詩情荷葉幾  
時破草蟲行處鳴寒衣曾未寄心反怯歸程  
茶村飲我維揚僧舍適天

章至談讌彌日知為至性人也近于密菴坐知天章已作古人惜哉

信宿燕磯山閣大雪逢初度作

雪光形水濁風力東江高曠野翻無岸中流豈有初南歸期  
又展東望首重搔悔負毘陵約長歌散鬱陶  
毘陵肯從陳椒峯雷飲數日取

道丹陽歸則值兒婿而免遇京口兵劫矣

邂逅張子酒肆夜歸寺寓踏凍作  
取醉尋歸徑坡陀折幾層山荒聞虎嘯江黑見漁燈磔磔泥  
如石琮琤水是冰應須乘凍去詰旦更南登  
清老又深厚  
黜然古光

倦圃詩為秋岳賦

谿山真意閣前故對滄浪帖石雲生罅牽蘿翠繞廊蕉深垂  
露重松老落花香意頗思隣近村西問草堂  
此地推林壑朱家放鶴洲繡衣心更遠倦圃地偏幽萬竹干  
霄去雙橋信水流看○得○細遶園無限好收拾在扁舟  
又○說○出○胸○中○話  
宇宙行金令江山草木稀如何東嶺樹直可數人圍陰密長  
含潤風生歛動衣鶯聲幸親切不到上頭飛  
是茶村極意  
摹少陵何氏

山林之作

清明客瓜渚作

又值清明節春晴只苦風鄉關惟我遠野哭與誰同亂世紙  
錢薄荒江兵馬雄飄萍多少淚半落酒杯中  
讀罷悽然  
是說清明却

說到荒江兵  
馬其妙難言

含山道中

停策含山郭周遭似短垣城門掛弓矢池水動波瀾返照全  
疑旭非楓亦自丹計程金斗近懷抱若為寬  
天然  
典象

幽栖寺

獨坐幽栖寺琳宮絕頂開烟濤侵北盡雷雨暗西來遠色包  
滄海奇聲裂石臺遙知韋刺史喜極把空杯  
筆力  
甚勁

秋日登周處臺

同孝升孝威伯紫  
友沂園次赤方

半生老作金陵客訪古今登周處臺疎樹萬家秋更落夕陽  
千里暗還開虛傳戰伐能揮劍如此江山只舉杯寂寞草堂  
遙在眼蒼茫指點朔風來如此江山只舉杯多少含蓄宜  
定山一見有探囊得珠之歎

至廬州與孝升相見作

一○筆○寫○出○何○等○淋○瀟○  
喜心翻到淚沾巾傳說君歸信是真草疏雲香擾攝相麻衣  
風雨莖慈親千秋業待呈知已十載窮堪泣鬼神交最豈宜  
來獨後應憐磨鏡具隨身

送王孫茂之廣陵于一子也

爍石燎原劫火屯何人剝啄響柴門慙慙喚我聲猶昔臥起  
看兒眼倍昏故里有樓歌帝子殊方無地飯王孫橫經家學  
傳三百只恐蒿莪漬淚痕樸處拙處神似少慶而清  
誼肫肫尤深我人琴之痛

再送李三友之金陵

老○筆○盤○硬○似○龍○蛇○天○矯○  
主人再出客未行研田老為誰力咩三頓加餐管醉飽四回  
見月詳虧盈白頭知感諒何益黃葉題詩傷此情冀君暇日  
偕季二方石視我十口隣臺城此等詩格局識力俱臻絕  
頂○與廬州贈孝升詩並

丁叟河亭用錢虞山韵

樹色無多草色新陽和猶見帝城春青鞋獨往知何處白首  
相看尚有人桃葉水生來燕語鍾山雲起護龍身遭時不是  
輕優笑歎息何堪老亦貧齠齠有生  
新之致

乙巳臘盡還南寓戲為口號

淮水凍仍綠鍾山燒更青一椽來復去只似短長亭

妻孥誤見嗔。我信如潮汐。出門必上元。還家必除夕。

兩必字要

看得活方妙

僅有相如壁。何堪壁復傾。築墻纔數板。怨似築長城。

三絕雖是

戲占却盡蕩子行徑

### 酌天章

我有雙尊酒。將來飲故人。偶然鮭菜缺。厭說客中貧。

宛是唐人

### 梅下

獨坐歐梅亭。步繞歐梅址。不見歐梅花。且拾歐梅子。

韻極

### 秦郵旅夜李鏡月閔賓連載酒

客舍寒多苦。夜長故人携酒問。風霜淮南列郡如。碁布惟有

秦郵是醉鄉。

### 寶應阻水

透骨奇寒一夜生。孤舟歲晚不勝情。北風吹老黃河凍。遂有

歸人冰上行。

實境

### 再客戲東鈍人

再客淮南事。益非長河水。凍阻南歸一。恁寒日管何事老眼

穿針補破衣。

此時那得不思麗人

### 淮陰送別徐松之

秀州分手楚州逢。兩地同聽古寺鐘。可笑淹留余失策。翻疑

君去太匆匆。

客中苦語

### 宜陵別蔣前民

東臯三月感相依。垂老飄蓬計盡非。今日臨岐方自笑。半樽

言不集  
殘酒送君歸  
時贈以  
殘甕  
亦真  
交真詩

送龔奉升至燕子磯

送客停橈傍釣磯  
江風初起浪花稀  
一行霜雁沙頭宿  
留待孤帆出浦飛  
寫景又  
遠又微

青眼相看世所稀  
辭君此地轉依依  
長江南岸青山下  
翻送

居人策蹇歸  
好光

江干欲別更維舟  
沽酒斜陽好滯留  
直上燕磯高處望  
青山

白雪是神州  
眼界  
空濶

茶村自記曰愚嘗論詩諸妙皆生于活諸響皆出于老至極之地日玄日穆而根抵在于聞道不然見識一卑即潘江陸海圍牢中物耳每與二三同志言之不敢以告他人也此茶村自言其得力處辛亥冬同客廣陵因出其篋中稿三百餘首見示予特拔其尤者與世共珍之

孫枝蔚  
豹人陝西三原人  
澥堂集

少年行

少年不讀書父兄佩金印  
子弟乘高車少年不學稼  
朝出烏

衣巷暮飲青樓下  
豈知樹上花委地不如蓬  
與麻可憐樓中

梯枯爛誰論高與低  
爾父爾兄歸黃土爾今  
獨立門戶爾

亦不辨畝東西爾亦不能學商賈  
時衰運去繁華歇年年大

水傷禾黍舊時諸青衣散去知何所  
簿吏忽升堂催租聲最

怒相傳新使君憐才頗重文  
爾曾不識字張口無所云  
鬻田

田不售哭上城東墳  
昔日少年今如此地下貴人聞不聞

舊家子弟零落之餘光景更有甚于此者莫謂澥堂言之過也

長相思

長相思在西方岐山之下無鳳凰豈無鳳凰荆棘參天梧桐  
 死那有竹實可為糧恐饑却向東南飛歲暮天寒道路長吁  
 嗟鳳凰身有五色之文章不如鴻雁多稻梁淮陰雖乞食後  
 來遇主為侯王伍員雖乞食復仇可以見父兄陶潛乞食獨  
 可憐身無官職田園荒長相思淚千行  
 寫貧士之狀幾于  
 聲淚俱下然寧為  
 饑鳳不為鴻雁此自  
 吾輩雅負氣岸耳

插秧

筆筆

皇天憫老農需澤滿前溪曉起集四隣插秧時難稽已開牀  
 頭甕復烹牆上鷄手力互相助即此成提携叢生數寸苗蕃  
 育等蒿藜莖弱根不肥拔之出陳泥珍惜頻顧盼不聞兒女  
 啼分種向何所蓮塘東復西旱潦慎蓄洩從此勤補畦何時

稻鍼水生理各不迷饑者禮最恭歌者聲漸低客行乍逢此  
 中心正淒淒久別長沮友恆慚冀缺妻  
 古雅詳晰與儲王  
 田家諸詠正堪頌

頌

過黃天濤秋佳館兼柬令兄仙裳

名士產僻壤有如珠在淵我自識君名向往蓋有年衆譽何  
 足道賢者謂之賢來造秋佳館正值冰雪天秋菊色固佳亦  
 以陶公傳開軒對此物古人在眼前我雖不見花與君幸周  
 旋几上有清琴得趣不須彈壺中足美醞念我道路寒新知  
 誠可樂舊交益難緩  
 清氣轉折結  
 處更有烟波

夏日坐郭長仲水邊梅花亭長歌

自笑生平寡遭遇與客看梅但看樹雖然不見花開時亦省



却傷花落處。載酒昔遊鄧尉山。千枝萬葉春已暮。正如師雄  
 在羅浮。醉醒夢想態度蓮花香。滿西湖中吊古。初臨處士  
 墓水邊。落落數株存。復似松風亭作寓。東坡詩松風亭下荆  
 棘裏兩株玉蕊明朝  
 賦。今年五月客潛江。遶郭洪濤礙杖屨。舊時歌舞今已無。誰  
 家臺榭尚如故。天寶年間樂事繁。白髮老翁間告語。郭君相  
 見獨何晚。不緣水退失歡聚。三日兩日勤相邀。自造一船臨  
 古渡。翠竹蒼松色總佳。更愛老梅種無數。徘徊徙倚綠陰濃。  
 恍然重入江南路。只對根株興已飛。莫言藥朶香紛布。恨我  
 不如倒挂鳥嶺南。村裏容來去。憐我不如塔下石。曾墜殘香  
 分。編素合向深林領百罰。又別幽姿堪再誤。潛江之遊頗不  
 惡。潛江高士復可慕。高士終朝立壑間。浮名難奪烟霞趣。何

遜當時亦可憐。題詩只坐揚州署。那及此亭面水開。朗吟驚  
 起雙白鷺。蒼辣之氣如老檜蒼  
 松不屑一字近媚  
 十六夜同房興公明府飲陳元水宅  
 渴偶同司馬亭如對子雲。客中逢宴會。愁裏得歡欣。明燭琴  
 書見。踈簾雨雪聞。羊裘與鳧鳥。竟夜樂為群。大家  
 數

漢水

江流濶南紀。漢水滯東歸。已報長堤決。還愁小艇稀。黑雲朝  
 不散。白鳥夜難飛。夏與冬無別。何勞製葛衣。手筆  
 極澗

同方爾止吳仁趾陪吳蘭次登多景樓時蘭次赴湖州

任

出城送客共躋攀。萬里烟雲杳靄間。天下江山如此少。古來

冠蓋幾人聞潮頭日午添帆影樓角風微散酒顏五馬臨行  
重回首故知魚鳥最相關 老筆排蕩 更多超秀

漢口送同遊諸友歸里數日後予便往潛江

遊踪歷歷數能真屢日相煩伴此身白浪打船書在手紅桃  
隔岸酒沾唇江頭送客愁清曉店裏關門坐晚春不得西歸  
更南去須尋名廖姓辛人 想爾時風景令人不覺神動

送方爾止

六月扁舟暑氣煩衰年只合臥丘園辛勤莫負閨中意愁爾  
入門還出門 愛其老法

遊焦山

風起中流浪打船秦人失色海雲邊也知賦命原窮薄尚欲

西歸太華眠 東坡遊焦山詩賦 元氣橫溢 必傳之作

京口酒家送張牧公歸臨洮

粗豪年少解春衣酒罷彈箏對落暉那識我曹情最苦送春  
時節送人歸 情文宛轉在摩詰龍標之間

潤州紀感

誰家開宴倒金樽者舊惟餘一二存已是半生曾九次勸人  
拚命喫河豚 調謔處多少感槩 語尤十分老辣

題卓文君當壚圖

聽琴纔罷却當壚夫婿文章世上無惱殺城中年少子敢來  
譚笑酒家胡 亦是文君 意中語

豹人詩有雄豪深秀兩種予則錄其法老機圓之作  
予選梅村櫟園茶村澆堂四公詩竟適黃子天壽過訪余

謂之日四公詩可謂極一時之盛矣而予登選最嚴蓋監收密圈反使作者之精神不出故予閉門了此極為敬慎黃子雅服予言乃知深思好學人所見固畧同也

范鳳翼

異羽太蒙江南通州人超道遙草

追憶高景逸周蓼洲顧塵客周綿真諸君子

嗟此流俗下黃虞不可作厲志崇令儀弱植漸虛薄春然念

亡友言笑宛如昨奸慝據台司仁賢糜鼎鑊莊生病為犧

衡死於鸚胸次何等天運已飈馳詎忍尋真樂仰希達人軌俯謝浮名

縛無用同散樗息影還冲漠公負清流重望林居且五十餘年時事卒以敗惜哉

訪沈汀州不遇時值其有新安之行

九秋落木毘陵驛孤舟苦雨崇川客千里相思不見君空復

披帷長太息坐來孤橐吼魚腸東南天地何淒涼欲識羈人

愁絕處青熒燈火夢休陽

數語大有別致然正合唐調

宿焦山海門菴曉望

曉望出松扉支藤立釣磯江流何事急峰勢只思飛日末孤

帆杳霜前一雁微音光紛屢幻舊句已全非

思緒清警

泛張

長河一夜綠波生縹緲仙槎逼太清乍見魚龍趨大壑忽驚

雷雨暗孤城飛流撲面如山立遠勢浮空到海平東去蓬瀛

殊咫尺冷然直欲御風行

全以氣行咫尺間有萬里之勢

秋日過焦山海門菴

螺逕迂迴鶴跡深瘦筇扶手任孤尋門銜滄海初升日峰落

空庭未夕陰薜葉秋高裁野服石床雲煖墨重食時聞夜讀

兼、清、梵、靜、者、因、之、長、道、心。

於題外不肯溢於題中不肯荒養到思沈方有此作

中藏稿

### 登東昌城樓

濟陰秋色滿林柯，殘角離鴻愁裏過。風壯海濤連漢湧，嶽高

○不○易○得○之○句

寒雪入樓多。右軍宅傍桃花澗，莊叟臺隣匏子河。轉眼千年

悲往事，竭來天地一漁簑。

醇雅又高鍊卓然可垂

滄溟集○中○

### 從祀獻陵

淡雲踈雨冷華鐘，肅肅靈宮儼帝容。五月臨朝千載墓，中官

掩淚說仁宗。

一種青山秋草路，路人惟拜漢文陵，同一感歎。

### 秋日渡京江

瓜渚輕舸破浪風，金焦逆走亂帆中。秋高不怕波濤險，欲看

江南楓葉紅。

高典

### 季振宜

說今滄葦江南泰興人

### 舟中

暫離簿書堆，來登風浪船。亂山銜夕陽，光彩流長川。支頤一

望，中空濶欲暮。天宛轉橋貼水，參差樹裏烟。鐘鼓城樓暗，欸

○此○境○可○想○

乃聲可憐。月色不得出風雨，來翩翩。想彼滄浪好，簑笠足扣

舷。萬事迫五更，千山歷七年。人心築城府，吾意任方圓。何須

擊唾壺，功名有姻緣。慈航與乘桴，不肯屬蒙顛。運甓惜陰者，

明哲笑其偏。

前段寫舟景空微澹渺後以情事找足細玩康樂諸篇方知結撰之妙

### 湯泉

西京昔天險，亂餘半草莽。驪山失巡幸，宮闕沒無像。珠鞋不

可得，蛾眉鬱遐想。古栢侵翠微，森森何年長。白玉環湯泉，泉

水淥且廣。懈眼爭感。沸氣如雲。霧上磅礴。紅氍毹。瑟瑟照人。朗按抑。做熊鳥。麻姑搔背。癢細雨。從西來。屋外秋風。響愧彼。濯纓歌。心樂非外獎。  
古鬱秀朗可方少  
陵太平寺泉眼詩

送沈馨聞歸嘉禾

明月何皎皎。白雪何漫漫。借問誰家子。中坐發哀彈。沈子來。樵李腰細帶。殊寬少輪并州兒。不屑事銀鞍。抱書守家風。夜猶升屋看。二十餘年間。都為兵火殘。海內今無事。烽火報平安。家道已衰歇。萬緒如歲闌。豈無木石街。大海何時乾。私憐微禽志。結瘁心方殫。異人授秘籙。亦知玉當餐。祇園慚良馬。世俗實寡歡。苦言接軟語。余聞再長歎。朱門臭酒肉。高士稱貧寒。身墮纏蓋中。可謂無心肝。  
一。數。語。人。情。動。一。唱。黃。鷄。曲。星。斗。欲。闌。干。江。

昨有輕舟羽翼未為難。但憐餘雪在慎勿着衣單。

敘述詳縷兼有

老氣結處別緒離離甚得河梁風旨

依前韻贈別諸子

我昔出門去。頂髮未曾乾。赤棒夾驄馬。逢車碎馬鞍。只此性。婞直白眼招譏彈。中心自笑兀。斂子棊局殘。金門失仕宦。田廬在江干。何以忘我憂。怡然膝下歡。載賡華黍什。馨潔朝夕餐。三年魂魄清。不復夢長安。茲二三友意。氣可納肝。雖然非要關。形影喜不單。余豈磊落人。腰腹十圍寬。諸君瘦如鶴。戴笠正天寒。童僕色蕭絳。毛縮馬力殫。歲暮津梁濶。此會誠所難。胡為輕離別。對酒發長歎。視彼穹蒼意。陰雲猶漫漫。中庭星欲墮。銅籤報夜闌。遲明送情人。搖首倚樓看。  
中兼此與

因送諸子却序慎墨堂篋

出歸田一段始末從此說入方不是漫然作東門祖道語

寄嚴顥亭一百韻

揚州到杭州道路不幾千我有同心友迢迢溯水邊  
 溯中山水佳人物清且妍昔有嚴陵子垂釣山之巔  
 既非任公子焉能百丈牽釣本不求魚魚得亦忘筌  
 清風擅萬代于今水滸溪遙遙二千載屈指數十傳  
 當時不肯貴苗裔福縣縣羨君懷抱好邊腹喜便便  
 登臨常作賦蠹魚亦細箋木鐸搖金舌門人慶三鱸  
 我昔尹潑水君曾借一廬愧彼高城榻呼問孝廉  
 船高譚如洪鐘扣擊羞寸筭猪肝不相累束帛聊箋箋  
 既乏楊子金又無季子田菽水難承歡捧檄喜之燕  
 讀書破枯竹下筆湧清泉俄頃白玉堂望之覺登仙  
 時霑尚方食特頒

二叙○家○世○交○情○及○宦○游○此○忽○入○時○事○作○議○論○此○太○史○公○之○筆○之○妙○不○意○于○詩○中○見○之○  
 太府錢其時言路閉守口久相沿伏下斥嘶馬班中啞寒蟬

○公○之○筆○之○妙○不○意○于○詩○中○見○之○  
 垂頭塞耳者甘心避老拳萬姓膏豺狼瞪日視熬煎莊廋立

狐狸塌翼失鷹鷂廟堂望昇平披衣服欲穿遂令女兒官改

除給事員君是大手筆執筆大如椽當仁不讓師播笏獨居

先屢上治安疏不屑白雲篇文章妙天下天子曰汝賢所以

沼疲毗豈但賦稅蠲我時在戶曹冷局歎寒氈殘羹及冷炙

何能食下咽馮唐垂老矣白首悽自憐惟君厚故人形影相

情○而○于○滄○葦○尤○有○針○芥○之○合○  
 周旋遇我好顏色譬彼夔憐虻長鳴蒙一顧伯樂九方甄臣

心清於水曲巷似深淵襜褕不到門車馬寡駢闐獨我日來

往未嘗少間焉因持戒殺文奉律惟虔虔不用曲項鶩不用

縮頸鰻庖厨無用遠俎豆只蔬鮮口腹當知足旅食厭腥羶

慎墨堂篋

桃核碎羅列。設坐間馬。羈指揮如田。父痛飲口流涎。落帽歌  
在○目○ 鳴鳴狂叫舞。踟躕飲罷。便出門相顧。笑嗎嗎。交道昔人有。今  
 日盡棄捐。人情曲似鈞。君心直如弦。不因貴賤改。豈以寒燠  
 遷。故人與故心。自是夙因緣。我後改侍御。事主得比肩。秉燭  
 草封事。衣裳或倒顛。宮樹搖殘月。朝衣染禁烟。關外候鷄鳴。  
 屏氣並馬鞭。戒我以婞直。庶幾無過愆。乃我性所生。喜方而  
 惡圓。賢路未崎嶇。我道獨迤邐。適時復遭桎。桔誰為解。拘攣親  
 朋畏。規禍却步莫肯前。身其餘幾何。首尾避當權。君獨無所  
難 顧。肝膽為我縣。不憚黃金注。能令瓦礫全。黃門秩既滿。解珪  
 薄言還。臨安坐石室。太傅興流連。時年四十餘。捉鼻志難堅。  
 君年如太傅。驛馬聽銜銓。風塵多歲月。始得一高眠。吳山峯

點染歸山一段姿態溢出  
 水林西子月娟娟。九里松。罨罨六橋水。濺濺虎谿招法侶。軟  
 語對高禪。茶笋澆魔漿。器鉢襲香烟。布地隨士女。黃金雜翠  
 鈿。定中性。彌靜白馬經。可詮時有好風來。漁人唱采蓮。風前  
庭之樂字字實錄  
 誰弄笛。雨中亦扣舷。此地無煩惱。是處有紛纏。閒居奉板輿。  
此下摹寫家  
 經專玉塵紫羅囊。不若韋與弦。太兒拖金紫。趨踰映花磚。小  
 兒喜騎射。霹霹鳴高鞞。家中諸公子。濁世自翩翩。玉樹何爛  
 熳。庭訓使其然。起居太夫人。白髮鬢如卷。今年年七十。養子  
 五十年。子孫皆仕宦。猶然親粥饘。惟此平等心。大小無忿恨。  
 竈中烟一色。鳴鳩寧有偏。內外咸歡娛。藹然坐春天。視我如  
 其生。曾不謂蒙顛。何能生羽翼。逡巡列長筵。遙和華黍什。如

阜復如川漢武後庭祝千秋變鞦韆延首望東南東南星斗  
聯熠熠老人星斗牛度中躔

長篇每令人欠伸此如層巒斷壑曲洞迴巖步步引人箸勝此詩通篇既有次第逐段自成波瀾鎖細處皆真鋪叙處俱老自堪與少陵北征並傳安得如鄭善夫所云長篇祇以為難而非所貴也

病馬行

憶昔主人富且強不愛金珠愛驕驕金玉為槽粟為糲親被  
銀鞍錦繡裝東風三月試康莊擎鷹牽狗逐秋霜一匹當前  
萬匹降主人大喜累千觴白旗黃巾起攘攘戈矛劍戟進如  
墻國恩應在此時償戰血盈身戰未央賊肉充饑血作漿盲  
風黑雨勢猖狂短兵急矢難隄防尸橫原野尸不僵賊亦愛  
馬挽馬韉主人之恩何可忘不傍仇讐傍豺狼毛黃肉削落

描寫病馬筆光閃爍荒岡高山之水流湯湯萬折千盤聒夕陽荒荒瘦影野月光

啾啾飢鳥啄背瘡我願世人屠其腸腸同鐵石當久藏誰肯

裹草埋沙塲買骨猶餘國士香于今世無燕昭王黃金臺前  
日脚黃悲歡成敗理無常昨夜啣杯舞銀牀

一馬耳說出感恩報主之情如許篤至此等詩極有闕風赦不僅規摹少陵稱為奇偉

夏雨

夜夜東南天垂虹火雲千里絳河東一夜飛翻生涼風庭中

樹立雨聲中雨聲樹聲相玲瓏晨興樹色碧于桐小紅亭子  
溼漫漫我一登之衣裳單衣裳雖單心所歡肌髮蕭疎憑闌

于森森帝子蒼梧端誰為二十五絃彈昨日中條山對面今  
日眼中山不見白雲浩浩白如練山容盡被浮雲變浮雲變



能無常理三千里外驚遊子嗟嗟余本水鄉士江南風日樂  
 難比楊梅口滴胭脂水鱗魚腮貫楊柳市况余白髮柴門倚  
 遊子不歸將一紀不歸都為黃埃誤歸去來今淵明賦雲山  
 影裏無數樹樹多處是江南路  
 雨中寫出山景極靈異杳  
 邈之致而終歸于懷鄉柴  
 門菊松秋風鱸膾達  
 者懷抱不當如是耶

懊儂歌

懊儂懊儂復懊儂我今如蛇君如龍天下豈無橫刀士如何  
 事事惟董公雀蓋飛翻門前柳景陽熹微吼金鐘漿酒藿肉  
 流旁屋倉頭廬兒主人翁西涼太守輦金珠一奴迎拜百奴  
 同巾車夜夜傍城西城西興靴似香濃憶昔閉門窮約日長  
 安大道如桔槔樽下賤子化為仇羅列不嫌鼠矢蜜五嶽突

此一段敘事極有原委

兀起寸腸相對啾啾轉唧唧扣門不敢以親辭甘心為君塗  
 黑漆一奮素王化工筆勝彼沐浴爬蟣蝨一朝意氣非昔時  
 署門轉聞犬吠籬乘車戴笠似浮雲撫箏慷慨野王奇引泥  
 自蔽畢此生高明之家誠難闕翻手覆手十年中楊子悲絲  
 阮路岐有何功德橫如此人生貴博五鼎成銅盤膩燭堪炙  
 手燭珠成灰吹不起妙舞清歌天上有君食猩猩儂食鯉竟  
 達空書何為者負儂儂終為君喜叱嗟循髮已華顛俯首咄  
 咄摩殘編殘編窺見繁華理轉因繁華生憂煎蟾蜍豈願清  
 光減回首清光魄又弦鷄鳴失時遭烹燂七較仗馬私心憐  
 輦上諸君小垂手齊聲同唱董君賢董君董君爾誠賢黃頭  
 棹郎不名錢  
 雲雨翻覆交道類然而于宦途尤甚滄葦慷  
 慨言之幾于怒髮衝冠而終日負儂儂終為

心中拿得定眼中看得清方能了此

是大菩薩語

君喜遇此等咄咄不平事正須如此  
應付山鬼伎倆那值高人一笑乎

靈石山中有感

起○得○好○  
已○觀○昇○平○日○如○何○盜○賊○多○荒○涼○虞○舜○廟○寂○寞○帝○堯○歌○細○草○連○  
荒塚斜陽帶大河自慙經此地還免荷長戈  
通首純是感慨意

潼關有感

興亡非一代形勝覽層樓渭水千年濁秦山萬里秋豺狼稽  
戰伐巴蜀化王侯郵置無餘馬皇華不肯休  
時楚蜀用兵調發秦兵餉繼之

○每至一地便有無窮懷歎而詩復道健

送馮三硯祥

江北秋風生江南秋水平舟中看葉落城外聽鷄鳴此去逢  
黃菊相思寄綠橙推篷殘月在黑夜莫貪程  
着筆新辣

贈後鹿

猶憶輕舸送我回石頭城正桂花開時更解凍南中煖君又  
披裘雪裏來築室囂塵輪蔣詡携書殘缺勝秦灰殊方戀爾  
懸鞍苦茅店春風濁酒杯  
生創中饒有風韻

無題

光光星墮赴佳期客在鄰舟欲散時白露沾裙能有信紅燈  
其席轉生疑余寒未飲通宵酒鷄唱容酬隔夜詩影瘦房空  
心慣怯朔風偏向小船吹  
極雅靜又極溫細可知香奩體正未易涉筆

寒食舟中

青雀如飛意欲迷誰人令我與君違襟痕不是殘冬酒身瘦  
都非舊日衣傷水夢魂難得去滿闌風雨奈何歸驪歌欲向

花間唱着眼荒墳楊柳稀

宛轉飛動正緣  
深心體貼得來

滄州古刹

齒齒魚鱗泊客船浮圖倒影水淵淵嘶風老馬斜楊裏茹菜  
窮僧古佛前宦海于今非故我桑田何處問諸天新聲一夜  
江南笛落盡明霞月又圓

辭采流奕而  
意自壯拔

送兄謫戍過通州河

今朝何事出關城獨是今朝天欲陰新馬不知高下路大河  
難問淺深心弓刀跋扈無親友詩画蕭條自古今過渡乾坤  
渾隔世相看秋水滿衣襟

黃門姓氏已垂青史而此時此  
事在骨肉間情何以堪讀侍御

詩令人不覺  
泫泫淚下也

送王思令

交道誰論重與輕今人難見古人情他鄉獨得如膠漆四海

何曾是弟兄患難乾坤催白髮蕭條行李剩清名東門大道

平如掌心畏離歌撥不平

篇覺風  
規未遠

送朱蒿菴給練

明時何敢問蒼穹得失從來塞上翁嶺表秩卑原有罪篋中  
書蠹已無功猶能京口盈樽綠最愛淞江切鱠紅去去莫嫌  
秋雁少子規聲急萬山空

秋病

茂陵多病入秋深蟋蟀聲連細草陰枕上聽鷄詩欲就夢中  
擁鼻句難尋蠟銷暗續行行淚酒薄空降夜夜心斗轉月斜

纖影落魂來魂去黑楓林  
長風萬里碧雲齊日影亭亭夕  
焔低解擯不工窮身賦持齋  
偏學太常妻破簾閉戶人常靜  
殘葉滿天鳥亂啼一札十行  
真鄭重盈盈秋水溼書題  
蕭瑟崢嶸絕不似宦  
游人語其胸次何等

壽陽道中

我正登高日正東白雲浩浩氣  
瞳瞳旌旗影靜深山裏車騎  
聲喧淺渡中廢戍少烟愁戍卒  
石田生麥慶田翁歸牛放馬  
有如此晉土還餘耕鑿風  
干樸至之中  
露其秀挺

靈石

靈石之城城亦高城頭雉堞埋  
蓬蒿風吹土屋懸牛鐸火焔  
旗亭剝馬槽不信小民貧到骨  
誰知官長法如毛枕邊一夜

何人哭靜聽溪流繞縣號

獨抱憂  
時之識

洪洞

鳧雁不知春欲盡方塘拍拍水  
融融天翻石燕連朝雨地到  
陶唐五日風白板橋鋪楊柳下  
青裙女踏菜花中山城擊鼓  
生烟火遮莫疎林一閃紅  
北地風景獨寫  
得秀動羊縣

贈白門丁繼之

夜夜金陵夢所思君今猶是故  
棲枝竿傳短燭人如雀柳拂  
長波月似規白髮遺民翻舊譜  
烏衣年少唱新詞繁華閱盡  
應無恨木落烟寒總不悲

石城大隱早忘機今日相逢暫  
拂衣一代風流能有幾六朝  
烟月是耶非當門瑟瑟波千尺  
隔岸絲絲柳十圍美爾草堂

言○不○集  
真○可○戀○秋○深○雙○燕○画○梁○飛  
丁叟家踞秦淮風語北里于今相見猶是賈昌賀老一流人也

滄葦以輕麗之筆寫之固自令人情動

贈送祝子堅

二十餘年戀故鄉。今朝訪我正淒涼。春燈影裏嘗新酒。梅雨聲中對破床。豈有鬼巫驚夏統。何勞女子識韓康。長歎老去無知己。淚濺錢家紅豆莊。  
○悽○能○  
○是○我○筆○人○  
詩情搖曳在筆墨之外

和汪戶部琬贈送梁御史熙

觴行歌動別京華。日照西山色似霞。雪後甃酣燕市酒。春來還看洛陽花。祇愁憲府無多侶。試問繁臺剩幾家。老我十年栖樹者。倩誰腰扇遇人遮。  
○自○然○高○雅○  
在集中為近人之調然已超軼儔等

有感

赫然雷電速如神。抉盡浮雲雨露新。曲突徒薪雖下客。垂頭塞耳是何人。青蒲席上寒蟬久。白獸樽前繡豸頻。履虎至今心轉悸。寧教當日逆龍鱗。  
○血○漬○紙○上○  
結處極合春秋之義知滄葦是讀書人

酬贈栢鄉魏相公見寄

為有朝中老大臣。天教臃腫作閒人。兒翻棋局看成幻。婢曬朝衣特認真。楊子江邊遲釣叟。天津橋上想花塵。公孫大抵虛開閣。那見賢材是惡賓。  
侍御立朝嶽嶽有聲矣及投閒之會閉戶著書若不知有洛蜀之事者杜子于皇同客廣陵每向予談及深為歎息此其寄栢鄉相公詩固非矯飾也

舟中卽事

青山漫去樹連烟。却為上灘如上天。聽得順流喧鼓吹。早知迴避大官船。  
此是苦境

紅嚼楊梅水滴香蜻蜓雙下野鴛鴦空青天大平吞野塔影

迎人漸漸長○意○中○有○此○語却○被○拈○出

鐘○吼○前○朝○荒○廢○寺○鷄○鳴○殘○破○兩○三○家○西○風○小○店○錢○沽○酒○少○婦

當○墟○鬢○插○花○極○合○古○法

綠○柳○陰○中○白○板○房○酒○旗○吹○出○樹○頭○香○竹○篙○長○短○爭○溪○岸○無○數

商○船○繫○夕○陽○自○然○而○佳

送歌師徐順昌

曾○上○君○家○水○上○樓○君○今○歸○去○又○殘○秋○休○言○及○見○開○元○盛○白○盡

江○南○弟○子○頭○一○往○有○深○情

憶○兩○年○秋○與○宋○荔○裳○把○晤○于○福○緣○僧○舍○荔○裳○極○口○滄○葦○詩  
不○置○稍○從○諸○選○得○見○數○篇○未○免○有○嘗○鼎○一○臠○之○恨○及○方○石  
盡○以○全○帙○見○寄○乃○得○縱○橫○觀○之○其○詩○專○務○創○闢○而○又○無○處  
不○法○古○人○真○令○我○歎○賞○不○置○知○荔○裳○之○言○不○我○欺○也

季公琦 希韓方石江南泰興人

廣陵蕭寺晤杜茶村兼柬蔣前民

昏○黑○停○舟○路○不○分○迴○廊○落○葉○忽○逢○君○幾○時○更○買○渡○江○舫○此○日

同○為○擊○筑○群○未○必○信○陵○能○結○客○且○從○蕭○寺○互○論○文○乾○坤○霜○雪

豺○狼○滿○信○有○窮○交○戀○夕○暉○入○手○從○容○結○束  
精○警○洵○為○合○作

懷宋荔裳觀察蜀中

邢○水○驪○駒○惜○別○喧○燕○京○書○到○一○銷○魂○聞○君○却○往○魚○鳧○國○何○客

能○忘○謝○豹○村○宦○轍○千○盤○迴○劍○閣○詩○心○萬○里○繞○江○源○那○堪○故○舊

俱○天○末○放○眼○青○山○失○酒○樽○大○雅○元○音○却○有  
飄○飄○凌○雲○之○氣

方○石○填○詞○工○麗○擅○名○江○左○黃○六○柳○七○未  
足○擬○也○惜○寄○詩○甚○少○不○能○多○載○為○恨

陳台孫 階六越菴江南山陽人

過一蒲菴贈閻再彭

偏側乾坤內。逍遙寄一蒲。未能工俛仰。聊爾學跣跌。半畝楊

雄宅。千金范蠡湖。平原風謾謾。高閣寐于于。浩蕩空中影。飄

搖澤畔菰。壁書藏琬琰。架筆飾珊瑚。杞國憂難輟。剡溪興不

孤。遠公持妙偈。平子握奇珠。得句兼庾謝。埋名抗顧厨。山中

尊鷲鷲。驚市上嚇鴝。雞閉戶三時課。開軒萬幅圖。偶來尋薜荔

因得掇。藤蕪僧出樓。團寂人稀谷。水愚塔前牽。灌莽屋角竄

精。飽不見康成婢。猶逢穎士奴。無聊強說鬼。多難欲占巫。漁

父奚從問。靈均未可呼。野雲迷斷岸。落日照荒蘆。行路悲狂

士。謀生笑腐儒。茫茫歸棹急。搔首獨踟蹰。

分字至字字蒼素尤屬老匠宗工

通篇俱寫過時光景不作一溢

李天馥

湖北容齋江南合肥籍河南永城人

王侍中祭懷德

粵昔當亂離。關中日闐擾。蒿目感時艱。慷慨就長道。飛沙書

冥冥。嶠函昏雲表。荒原戰血腥。殘膏潤野艸。薄暮渭波渾。鼓

枹凌灑渺。倦鳥懷南枝。戢翼棲林杪。濯纓沮漳流。泉壑擬終

老。何幸遭興時。沾濡樂熙皞。嗚珂鄴都門。侍輦華林沼。白橙

哀素商。奄忽遊大造。哲人景松筠。貞幹以永保。整宜隆所俾。

日新千祀紹。奔迫之餘忽逢知遇自應有此感激

鮑參軍昭戎行

特知傾國士。激義走健兒。慷慨辭故鄉。仗策應雄師。急公念

靡盬。飛鞚歷徼陲。空磧起陰沙。飢馬發長嘶。濁霧昏旗纛。嚴

中藏稿  
騷亂鼓鼙豹韃懸冰勁魚服佩霜威峻坂互紆複攢莽相蔽  
虧繼嗣傷逝日柔剛感采薇但虞功不立豈爲長道悲庸儒  
係家室拘拘傷別離  
慷慨悲歌足  
壯從軍之色

丘郎中遲宴別

重霄戒六龍華鐘發清曉綵仗交烟際繡幟揚雲表霽色赤  
烏動練光白鷺森麗苑祖征程芳樽寫懷抱彭城股肱罷在  
昔稱易擾桐葉屬懿親柳條傷遠道睿圖洵勿穆廢颺愧綺  
藻

古少年行

家本六郡豪往來平陵園花驄躍金羈氣象何軒軒破產納  
亾命輕生報舊恩况復邀殊寵峻秩領虎賁旦暮昭陽殿帶

劍朝至尊

狀其豪俠  
不待多言

春日作

端居寡營尚悠然澹心情百年感逆旅何爲勞吾生忽聞春  
風至有酒急須傾醉臥東牕下堦前一鳥鳴  
神似  
陶公

裂帛湖

秋水森清波灑灑浮山麓奔泉過石寒隱見珍珠覆百丈瀦  
爲渠修練紆飛瀑葭莢媚遠洲鷓鴣凌淺澳千壑滙潺湲萬  
畝資滄瀆遠浪低虹飲澄泓朝日浴遊幸紀金元龍舸驚水  
族別殿青芙蓉綺疏映翠舳錦石與秋花滄桑換樵牧無復  
鷓首移祇今飛屬玉  
未段卽少陵玉  
華九成之遺指

廢陵



張段走靈帝程魚奔代宗喪亂有其漸式微丁數窮要無全  
 盛時一旦嬰愍凶異哉王監子孤注出居庸土木試一擲何  
此是公論  
 當舉國從親征竟蒙塵身殉觀軍容爾時微邸王猶難保江  
 東屹然八載餘發奮天下雄玉燭實再造治績後和豐嗟嗟  
 奪門徒甘心為首戎復辟亦天意群小冒奇功彌留竟不起  
 諡戾良非公寃宎荒山麓大禮斬樹封悠悠二百年壞道餘  
 喬松碣螭臥冷日石馬嘶悲風我皇行見之頽敝愴宸衷  
 置守禁樵採魄毅仍幽宮傍陵三十戶戶戶野花紅隧道寒  
 潭靜綠垣芳草空獨恨魏璫墳東西峙龍從  
史則  
 送張素存省親歸里用張茂先答何邵韵  
 之子遠行邁塵鞅辭牽拘所思在江南秋波清可踰久別易

為感况當十載餘高堂白髮新趨承多歡娛欣欣晚禾收野  
 菊亦森敷金鶯向山路深柳幽人廬綠竹淹謝屐林汜遲滯  
 輿為樂日以多寧復歎渠渠寄托一何曠延賞同濠魚啜彼  
 鷺與鳩方驕投槍榆

王銀臺古藤歌

城東南隅有古藤歲久風霜皺紋增連綿長條百餘尺矯如  
方是古藤  
 蛟螭相奔騰此物傳是元時植銅駝幾度閱荆棘屈指今將  
 四百年飽露餐烟知何極作花羞學桃李花紫茸離纏數畝  
 遮蒼蒼鱗鬣何突兀直走魯囊凌棲霞覆枝疎節遙相屬滿  
 架繁英香覆屋有時風吼老榦搖千條暴怒龍蛇觸可憐淹  
 沒久不彰佳名始自銀臺揚棚以文杉欄以石頓覺堦砌生  
不可無此好事

輝光且謂異珍宜共賞花晨日日亭臺做品題每多名勝詩  
揮毫振藻無凡響主人好客費春醅月下風前日舉杯况是  
京華遊冶地勝蹟何人不看來念我凭觀為獨久攀捫足稱  
方外友握管聊為醉後歌會令此藤長不朽  
狀古藤極其  
婀娜盤鬱之

致層次叙置更  
覺法度井然

送白仲調

長安春老百花落薰風夾路香塵錯有客言歸躍錦鞵相將  
愁見青門郭青門楊柳綠迢迢一望天涯魂自消燕雲不盡  
桑乾遠何處秦淮朱雀橋日日鍾峯添黛色君去江鄉多興  
適二水三山行樂時可憶羈棲未歸客  
風藻飛馳  
大足可愛

關促織歌

長安遊俠驕奢習在昔鬪鷄今促織荒垣廢甃恣廣搜致之  
曾不遺餘力其產尤推永定繁秋晚人家滿野園種類不乏  
佳者少惟有紅沙邁等倫捕得養身兼養性辨形辨色知柔  
勁飼之日久健且馴驅騰引却皆惟命愛重如蓄敢死士矜  
鳴笑躍移人意堅甲剛鬣何趨趨似恨長材不得試一朝持  
出市兒喧短彼長此何紛紛好事少年輕一擲比材較力開  
雕盆雕盆對出怒相向蹲踞驕為搏噬狀始則旗鼓似相當  
繼乃強弱分得喪接戰方酣四座懽須臾機決倉卒間披靡  
一合飛鈴伏帶傷兩翅梅花殘委頓糾纏猶不捨主人見之  
汗盈把自從角戲無此敗今朝反出阿奴下傾囊償值猶不  
足往時慷慨今踟蹰半載經營衣食資一旦喪之蠕然物勝

者意滿觀者誇相稱相詡不歸家便欲擅場絡緯會重資屢  
試何驕奢誰知前優今忽劣被創可惜金絲額垂頭喪氣獨  
吞聲勝負相循同一轍  
一物翻出如許議論胸中靈筆下快當屬必傳

過水盡頭遠望

海氣蒸雲雲出日日光倒射山光入鑿空怪石五丁開石破

逆珠鮫人泣輕波瀲灩抱谿流夾岸紅葉林檎秋側身西望

乾坤窄長嘯一聲天際頭  
境界迥別

### 翠微山

山中別自有天地毓靈繪錦無遺麗果然名下不虛聲香鑪  
之香翠微翠曉翠莓苔石繡花晚翠栢栢岩流霞如入天台  
窮應接令人彷彿思胡麻仙源曾此六飛墮一笑金剛銷劫

火迤邐空積傍雲行寶珠滿洞珍珠顆黑風吹沙白日昏  
點神鴉歸廟門陰嵐化瀑走峻壑激空霹靂蛟龍翻荒涼金  
碧藤胎刺祇園鶯嶺惟樵徑住靜圓通白髮僧見人猶說洪  
熙盛獨有遠懷其幽奇森異則純乎長吉

### 大龍山

一氣奔騰四圍方拱合一線忽凌空不覺徘徊久覺然指顧雄雲低岩

洞綠日落石門紅如許清幽境寧無放鶴翁白雀道人

### 雉河

數家成小市溝壟逐門通野水連雲白山花帶雨紅葉香園  
臥犢草潤地飛蟲婦子蠶桑急懿筐處處同

### 春日郊遊偶紀

四境方憂雨。春泉此地饒。瀑珠鮫國淚。晴氣海門潮。秀麥侵官道。垂楊暗野橋。停車觀午獵。天際落輕鷗。

俠客

年少悲歌客。秋原落日情。快逢燕大俠。羞學魯諸生。問世都難合。論交每不平。懷中三尺鐵。風雨夕嘗鳴。  
似老杜贈王將軍承俊之作

送劬菴兄司李廉州

久聚難分手。計程倍愴顏。一官萬餘里。遠過大廉山。獨往懷殊壯。相看鬢未斑。遙知臨合浦。期月有珠還。  
海郡稱饒裕。無為怨路遐。城池連屨廣。風俗雜鮫奢。晴雪消春瘴。蠻郵度使車。嶺南倘相憶。珍重寄梅花。  
雅貼

嚴絮菴少司農招遊祖家園

花朝都浪擲。今日喜郊行。野况消鄉思。春風美帝京。晚眺紅到郭。新水碧侵城。漸近蠶桑路。村村布穀聲。  
讀去和風襲人  
寂寞禪關僻。陰陰若有人。毒龍潭影黑。廢篆草痕新。樹古疑風雨。祠荒悞鬼神。獨憐歸路晚。無計可留春。  
造語奇險腕底疑有五丁

九日遊蜀山

霜餘天地濶。清翠望來空。僻徑松肪綠。殘林棟葉紅。晴絲籠野霧。秋鷲下山風。回首燕臺久。羈孤愧此公。  
句辭  
窈窕崑阿迴。陰森罕遇人。空青天外落。淺碧雨餘新。薜荔藏山鬼。旛幢護女神。平生登涉興。林壑意偏親。  
水天一色亭

老桂花宮路幽香接水天有窗皆受月無地不流泉古瓦神  
鴉集陰廊佛火鮮御書何藻麗遊豫憶當年

神彩皆勝

來青軒

山下草萋萋。山中路欲迷。綠蕪官道遠。紅甃女牆低。浩劫傳  
行幸滄桑刺品題。清虛真異境。因以念丹梯。

貼切

送葉翁初司李貴陽

忽報嚴裝遽。陞辭相看尊酒。奈臨岐。好乘荒徼。烽初靜。且喜  
清時髮未絲。在昔流官聽約束。於今番。落任羈縻。盤江日暖  
無春瘴。努力王程。慰我思。

天涯何處石門山。繡勒春風驛路閒。楊柳綠烟開野戍。桃花  
紅雨暗江關。千峯銅鼓雄諸粵。萬里羅施控百蠻。此西南

易治京華端可計期還

典麗之章妙兼情事遂無浮響犯其筆端

送毛錦來假歸新昌

鄱南將製芟荷衣。湖上尊菰到正肥。二載家山人未老。

時許假二

載一江春水客初歸。自能日月藏丹鼎。何處乾坤買釣磯。愧

我金門獨畱滯。離筵執手倍依依。

大雅不羣

送盧惠浦司李重慶

民力南平近日舒。粗安不似內歸初。地形棧盡開巴字。江介  
烽消絕羽書。幾處桑麻農叟聚。千山桃竹洞蠻居。知君昔與  
祥刑久。佐治長才自有餘。

夏日蔣虎臣前輩程周量張素存楊鄂州招遊祖家園

鑑亭重到已黃昏。處處芙蓉綠隱門。野甸晴光來樹影。方塘

慎墨堂篋



數椽茆剝落霞邊。位置林巒總自然。三疊泉光頻瀉。月九雲嵐色欲侵天。遙吟竹籟紅塵外。漸近猿啼碧澗前。貝葉微微香。蕤冷蒼苔庭院未成眠。  
設色鮮麗而骨性自高

水盡頭坐飲

探源千叠覓無端。深峽逶迤鳥徑盤。片片泉聲過磴伏。英英雲影落溪寒。數灣錦石蘿陰紫。一路香林柿葉丹。臨水飛觴期共醉。肯教容易負烟巒。  
點染鮮麗

送吳虞升從征

三年燕市冷吳鈞。今喜從戎赴劍州。首着香隨天馬度。蒲萄醉訪碧鷄遊。揚旌紫塞重關道。濯足黃河萬里流。遙計行邊風景好。定軍山上月輪秋。  
風度飄揚可喜

初夏同王北山給諫遊

裕親王靈

妙有聯合

數里垂楊轉狹斜。愛隨中令冶遊車。大堤草長王孫路。別業花深帝子家。地敞輓轡飛水箭。日高亭榭納山霞。故鄉亦有誅茅屋。久隔間關感歲華。

送黃蘭巖戶部備兵寧夏

漕渠書上小臣勞。廿載為郎意倍豪。不向仙莖分沆瀣。却隨天馬醉蒲萄。行秋乘障看橫槊。惜別臨岐脫佩刀。遙計持符雄塞好。振衣蒼翠賀蘭高。  
典雅秀令 足埒盛唐

寓齋雜興

栢卿相國讀書別業

薜蘿門巷隔車輪。剝啄聲稀鳥雀馴。日書淫分甲乙。當年火活守庚申。熊經賸有流霞迹。狙賦全無給芋貧。東閣已今

言者不集  
卷之一  
中藏稿

三易主遊人莫認舊平津寓有丹房 結意饒

晚芳數本競華滋野性耽幽靜對宜開閣三千無舊客興懷有感歎 寓指深切

百一有新詩盱衡世故徒捫蝨反覆家言獨守雌弱冠出山

成底事十年深悔讀書遲

送張幹臣年兄歸里

抗直如君得未曾高風欲避世人稱艱難不及謀妻子慷慨  
翻因慰友朋大事何妨驚曉仗小心原自凜春冰端緣教養  
先朝久一片孤誠報 孝陵

送杜子靜假歸南宮

史事初竣客倦遊東風行李問滄洲偶緣慷慨看山去不為  
拘牽載筆留元凱盛名經術富少陵佳興草堂幽漳南何限

新黃柳好寄長條慰旅愁典而秀

送王敬修除令墊江道過高密迎親之任

王喬秋晚欲飛鳧綠鬢青琴出帝都過里板輿迎海岱近天  
雲棧轉巴渝千山桃竹無阡陌四境荆榛未輓輸勸勉講學課耕  
多少事臨邛莫學止前驅得好

美人曲

花氣惹陽春晴牕見鏡塵画眉啼微曙愁殺画眉人巧而雋

送彭右文歸索縣

楚雲青不斷迢遞接東吳君過春程暖千山啼鷓鴣  
輕寒朝雨霽夾岸柳青青挂席春風疾鄉心滿洞庭柔麗可入

竹枝

詩觀初集

卷之一

七

慎墨堂篋



曉獵

曉獵城西好。風高遠。帳開紅塵不斷處。一騎臂鷹來。

古

五華寺

小樓秋氣爽。高枕一溪斜。寂寂禪關暮。空塔長石華。

心令人冷

皖上逢張曲山侍御

四望樓前可駐軺。江聲晚聽郭門潮。相逢且喜韶光好。二月

花城放碧桃。

落花時節又逢君。同此風調。

棲賢寺

芙蓉日落石岩紅。一路松杉玉峽風。不斷香塵春欲晚。西看

啼徹翠屏空。

可想其境。

野渡

絲絲楊柳綠堤長。煙裏尋津泛渺茫。日暮風微爭渡急。隔船音語是同鄉。令人動鄉井之思。

江上竹枝詞

大船小船趁好風。千櫓萬櫓晚江紅。漸聽歌聲門外近。不知

誰泊綠楊東。

似棹歌。

滿天月色映樓臺。向晚無風總自開。遠望高帆數十丈。大編知是載鮮來。是白下風景。

春晚潮平大灘連。南岸北起晴烟徧。覓吹簫人。不見絲絲

楊柳覆江船。

不見轉覺情長。

象牙簪子白如銀。藕色衫兒穩稱身。小立廟前看勝會。只教羨殺往來人。

不愛縷金雙鳳鈿。不愛珠珥直數千。門外朝朝茉莉過。願郎常給買花錢。聲情俱妙

送謝傅公司李江寧

繁華千古鳳凰臺。兩岸青山一線開。遙擬江天秋正好。布帆無恙使君來。正覺其遠

櫻桃詞

綠楊街畔叫聲聲。花萼爭誇賽赤瓊。近市女兒低語喚湘簾。風緊不分明。閨帷語溫細至此

偶憶巢湖

巢湖久別誤華簪。湖上青山夢裏酣。三月鱖魚九月橘。令人那、不憶江南。萼菜秋風實有此感

觀劇同王阮亭賦

懊儂數折已三更。底事含愁玉筯傾。莫道逢場非實境。總緣

生小是多情。君固情種耶

百花深處轉黃鸝。不羨江鄉唱竹枝。箇是金張名部長。豈同

碧玉小家兒。

瓊瑜步步繡鴛鴦。白紵紅牙閱漏長。唱徹江南新子夜。碧欄

杆外月如霜。好天良夜如是如是

送錢礎日遊山東

岱宗西望海冥冥。齊魯山河不斷青。玉勒金羈從此遠。綠楊何處短長亭。神韻最逸

春杪小飲河亭各賦

棟花風緊乳鳩來，落落餘香淑氣催。過雨波深蘆笋大，滿池新綠上樓臺。

穎川劉生，命中奇。吾家猿臂，太不羈。花間射罷，彎弓坐妒殺。幽州遊俠兒，時公戒召林射于城下。大是豪逸

贈吳子遠

石榴花發理征衣，送子城東乳燕飛。同在江南江上住，秋來莫使好音違。似太白

贈韓修齡

善說野史，順治年間，蒙召講隋唐數事。待詔曾居金馬門，滑稽正不廢方言。十年供養慚吾輩，野史當時動至尊。今修齡已作古，人不獨柳老。

碧雲寺

步步泉聲瀉晚霞，長廊猶認老僧家。重來却喜逢秋晚，又見

山中落桂花。悠然

渾河

飲馬遶源大漠傾，黃沙千里度秦城。乘風惡浪奔飛疾，時作龜鼉出浴聲。雄

天野洪波溢淺壕，連天水色亂黃蒿。古來多少征夫淚，流過

長城作怒濤。獨有深識

舍利塔晚步

浮圖鈴鐸響銀鉦，過盡長楸石徑平。象外清幽塵不到，滿林明月一僧行。與百花深處，一僧歸同妙。

送蔡崑陽修撰左遷歸里

談經幾載直明光領袖花磚說五長回首色絲從此隔令人  
那○不○憶○中○郎○故事用得如此蘊藉

送耿又樸假歸濟陰

送遠河橋燕子飛晴烟漠漠柳依依軟塵京雒從茲遠偏愛  
荏山好翠微風致正如弱柳

七月十五夜

王風秋祭競中元處處招魂薦夕殮幾點荷燈光似漆紙錢

飛繞月黃昏

通似中元光景

容齋太史才既英奇詞復警麗當其承明珥筆之餘匹馬  
歸邸舍屏絕塵事日披閱古人書以為娛快而吟詠日夕  
歲輒成帙無不沈雄卓鍊堪與漢魏四唐共馳騁者僕得  
覽其諸集因為評較授梓許子竹隱云容齋虛懷延納于  
聲氣風雅尤有振興之功然則把酒論文正  
自有日當不必望燕雲而發河山之慨也

黃九河

天壽江南泰州人深柳堂詩集

北上於袁浦發家書

丈夫志四方不受兒女羈苟懷萬里志勞動何足辭昨發海  
陵城今宿淮水湄附書與送徒援筆中心悲親亡兩弟弱支  
戶惟中閨水旱歲煩仍全家常苦飢官租宜早辦西疇勤耘  
籽幼弟學易荒肅恭承明師回望浮螺山先壟草離離遠行  
戀所生貧賤無歸期苟能行直道何懼路險巇情○景○逆○離長安多親舊  
音驛日夜馳紙短苦意長挑燈重封題欠伸啟蓬窓月落村  
鷄啼純是篤愛天倫之言讀之起人寤歎

下第南歸經淮陰值暴水發不得訪阮鶴緱

珪璋濟濟滿辟雍青雲之器阮仲容况同桑梓意尤厚駑鈍

與追龍馬蹤君有白髮親全在承權一日為千載及時獻策  
不見收痛哭登車返淮海撥悶長安沽老春痛飲荆高少一  
人余亦拂衣急南下山陽城畔更相親自發潞河背濟水蓬  
窓愁坐三千里入夢分明南阮家草蔬對客酒殊旨晨興纔  
渡甘羅城已聞水没王家營袁浦屋廬半漂蕩男女啼哭鳥  
鵲驚淮陰郡中百萬戶緊塞城門牢築土城頭官長遙指揮  
官舟拯溺人無數此地瀕危安可居司河誰者民為魚此時  
有心訪舊不能住惟對驚濤白日空歛噓  
長歌不講起伏照應即離開闔  
之法才雖多無為也此篇極天矯變化而不離乎法非于此道有面壁之功者顧可浮浪下筆乎  
元夜輟耕玉行石城兄仙裳侄月舫小集玉照堂限雲  
字

節當荒歲後沽酒不成醺但覺人堪戀無妨夜已分燈知何  
處市月忌此宵雲佳會殊難得隣鷄莫遣聞  
一絲初引自屬繞梁之音  
濟寧恭謁先師聖像

松殿峙青霄巍巍道岸高百流朝濟泗終古荷鈞陶鼎蝕周  
文斷碑荒漢隸銷杏壇遺蹟近仰止思何勞  
此等題着贊頌語不得只以點染足之

夜泊惠山汲泉作  
向夕停遊屐挑燈坐石牀泉同人意澹茗是雨前香啜罷山  
容寂聽來夜籟長松間有明月偏照薜蘿裳  
獨有靜氣迎人足浣塵土

月夜坐虎丘石上

出門無好月，恰喜到山晴。踈磬雲邊落，微烟水際生。懶尋穿寺路，時有踏歌聲。偏愛生公石，猶傳六代名。  
起得縹緲，結得鄭重。

### 憶先人墓

斜日下荒田，孤墳野水連。松楸纔細細，榛莽已芊芊。自切泉魚痛，空傳庾信篇。何時遊子淚，雙落墓門前。  
辭家遠遊却，不勝白楊衰。

草之感此為仁孝之音

### 同徐宜之張山侶晚登吳山

不辭追蠟屐，傍晚事幽尋。望處松樓遠，行邊竹塢深。煙荒連市口，水圻到湖心。欲訂來朝約，山蒸四面陰。

### 春夜望顧仲光劉長康不至

野水將瀾漫，故人來未來。好春煎白髮，明月倚空杯。雁自何

方落花嘗此夜，開離心增百感。豈為歲時催。

字卷

### 君山隱隱

臺磴穿雲路，攀躋自不勝。遂深埋積雪，樹曲引長藤。忽見江帆亂，遙看海氣澄。十年烽火地，依約指漁燈。  
登臨間說出，關係便非小。

夫浪子所能望其項背

### 春草

一望青無際，長堤古驛邊。碧欺三徑柳，色染五陵烟。細細柔侵展，緜緜遠接天。如茵真可藉，長此醉花前。  
溫細

### 舟行卽事

風便客裝輕，帆收半日程。大河寒浪緊，斷岸夕陽明。蓬梗悲前路，風塵愧此生。輪他漁父樂，款乃自聲聲。  
一味踈老遂，覺塗歸脂粉。

者有雅俗之別

### 贈宗定九

三十年姻婭班荆識面初。家仍隣謝傳。君居東原乃謝公別墅貧已似相如。同人贈君有碧水秋裁賦。寒堂夜讀書。何時過委巷。烟

柳待柴車。贈定九使字字確貼故佳

### 送毛大亦史歸婁東

知君夜夜夢鄉關。夕照荒原看獨還。羨有此身娛白髮。竟無餘橐買青山。江帆細雨高樓外。野樹叢雲斷岸間。此去逢人如問訊。為言有客鬢毛斑。京華遊况以俊筆寫出詩亦鬚鬢錢劉

### 游膠遇毛亦史吳元音兼得曹倬雲先生音問

已知久發還家棹。闕路逢君轉悵然。說到荆高聲已咽。別來

管鮑誼誰厚。霜增夜氣侵紅蠟。月引愁懷上錦箋。聞道故人

消息好。春風準發孝廉船。清艷

### 寄李映碧先生兼柬令嗣元祐九畹倚江

塵世滄桑更幾年。先生真不負林泉。從教姓字煙霞老。肯許封章道路傳。四月寒多青草亂。一湖天遠白波連。寄言王謝諸兄弟。好採蓴鱸上酒船。廷尉高枕著書極合幼安淵明遺法天濤可謂相契之淺

### 甘羅城望黃河

先秦遺蹟濁河傍。薄暮登臨望眼長。相府秋風肥稻黍。荒城落日下牛羊。滄桑變幻憑神怒。今古淒清有戰場。沽酒且耽篷底醉。前途煙水浩茫茫。意思飽滿故筆墨酣適

### 雨中登多景樓

江雨瀟瀟暮不休。携尊着屐一登樓。含風草樹翻低浪。到岸  
帆檣起亂鷗。梁代標題蒼霧冷。孫郎戰蹟暮山浮。誰能對此  
無愁思。况復天涯事遠遊。  
領聯說景頸聯說事法度極爲  
井井而詩情秀潤則如卓家着

黛望若  
遠山

### 南池望太白酒樓

平池背郭陰。且澄上壓虛閣。何峻嶒。詩酒舊雨已陳迹。亭臺  
此地還相仍。天湧碧柳望無際。雲溼丹梯勢欲崩。似此丘壑  
亦殊致。不有許賀誰爲登。  
物體殊有崎  
歎歷落之槩

### 登丹陽望湖亭

蠟屐登登破曉烟。望湖亭子峙湖邊。千年風雨誰家宅。百頃  
菰蒲幾處船。鴻鴈不來餘稻粒。城闔欲斷見山巔。坐渡獨耐

秋衣薄。爲愛波光未忍旋。

寫景蒼遠有曉  
藹飛動之致

冒雪抵錢唐晤吳六平鄭有章

長安握別。倏經年。夜夜吳山遠。夢牽短棹。肯教迴幕。雪孤鴻  
一任下。殘烟傾來東閣。千春酒望去。西湖十里。船明日段橋  
聯句處。旗亭敢惜解囊錢。  
一往見  
其輕利

邗上訪劉公猷先生不值時予與先生將先後入吳

門巷垂楊第幾家。寂寥旅館傍城斜。冰壺自屬山公鑑。銀漢  
頻移博望槎。日落隋宮飛社燕。風吹吳苑落秋花。預期石上  
聽歌去。短簿祠前酒易賒。  
筆致如紫燕受風似  
不經意却自雋勝

京口再遲家兄仙裳不至

已對邗溝空悵望。停橈此地又愆期。鐘催小艇人先渡。風便



言  
寒江雁獨遲十里濤聲奔亂壑千山雪色照殘碑未知留滯  
緣何事不得啣觴共賦詩  
仙裳每爲余極口天濤觀其臨  
風悵望殊令人思西陵阻風彭

城話雨  
時也

過亾兄公言故宅有感

丹旄塵蒙已六年蒼涼到眼總堪憐東床有客仍聯袂  
是日  
至  
大被何人復共眠庭院鳴蟲荒晚菊樓臺歇雨下秋煙  
幾回握手追隨處不憶當時亦黯然  
悽然友于之懷不減  
李東川題盧五舊居

作之

張家灣曉發

推篷猶見月光微敢憚宵征理客衣習習天風吹馬足蕭蕭  
野草亂螢輝行過沙磧纔分路喜看人家漸啟扉杏藹薊城

千樹裏不禁翹首盼朝暉

摩詰七律一味和潤却不  
流入輕滑天濤此作似之

將出都門春夜紀伯紫諸君携尊相餞卽席分得淡字

楊柳垂垂葉作陰眼前積翠爲誰淡已知漸近分攜地何事  
能如惜別心酒遇荆高須痛飲句當王孟敢狂吟歡場莫憚  
經長夜來日風檣去不禁  
全于澹雋處見其風  
神固是雅人波致

贈送閩南曾則通歸隱峽江

江湖景色自蕭條  
策甘將世味銷  
天寶有詩存史筆  
灞陵何路訪山樵  
春風短髮冠黃籜  
秋水扁舟起洞簫  
別後蒹葭空悵望  
月明人在萬峯遙  
音和而旨婉若于楓青月白之  
夜讀之當有起而遙讚之者

冬暮孫豹人先生見訪同諸子夜集小齋拈韻

相思十載舊聞聲一夕停橈快此生好句不惟傳菊帖  
時先  
生見

慎墨堂篋

贈秋佳 荒厨殊媿倒 葦罌檻邊香 淺梅纔綻 簾外寒 淡雪未  
晴見說來朝仍解纜 青燈碧醕倍含情  
杜茶村云諸妙皆生于活此作有之

○豹人衝雪發刺豁之權天濤置酒為梁苑之吟皆為僅事

題交三姪画筵頭西湖小景

六橋桃柳画 中詩花底微風便 面時杳渺東南山 共水總含  
春色入相思 筆意委婉

秦淮偶見

翠柳千條護綺樓 日含花影見梳頭 侍兒似解有人意 一霎

珠簾下玉鈎 僕採金陵竹枝詞最富此亦其一則佳話

天濤挾策遊京師交游甚盛一時薦紳先生莫不推許所撰詩歌伯紫釋堂諸君已序而行之顧惓惓下問于僕似以僕為足把臂入林者敬採新詩以質解內當知著作日富益歎汪汪下頃波耳

釋大健 蒲菴江南江寧人花笑軒集

人日登鍾山

鍾山常在望 人日到誰曾 躡屩過靈谷 披雲拜孝陵 荒途迷  
亂草深澗咽 寒冰香火餘 宮監悲涼向 野僧 筆意閒淡却自感人

杜茶村見過

○格韻俱高 蘆荻晚蒼蒼 烟嵐在下方 蘭舟維此際 萍跡任他鄉 風浪礙  
前大僧衣 世外長艱辛 今夕會江海 意難忘 妙境妙人不可無此妙筆

登黃鶴峰

披雲一長嘯 萬籟響諸峰 黃鶴幾時去 閒僧無定蹤 遠江流  
宿霧短景掛 寒松南渡空 留寺遙聞下 界鐘 結意不凡

放舟下燕子磯

磯頭晴色已先知風靜波平更莫疑回首陸離雲外寺鐘聲  
 不斷放舟時想見空江解纜時

詩觀初集卷之一終



